

二

漢書

西南夷兩粵朝鮮傳

卷三

西域傳

卷四

後漢書

東夷傳

五

南蠻西南夷傳

卷六

西羌傳

卷七



漢書西南夷兩粵朝鮮傳地理攷證

仁和丁謙益甫氏學

南夷君長曰十數。夜郎最大。其西靡莫之屬曰十數。滇最大。自滇曰北。君長曰十數。邛都最大。此皆椎結。耕田有邑聚。其外西自桐師。北至葉榆。名爲僬昆明。編髮。隨畜。移徙。亡常處。亡君長。地方可數千里。自僬曰東北。君長曰十數。徙茆都最大。自茆曰東北。君長曰十數。冉駹最大。其俗或土著。或移徙。在蜀之西。自駹曰東北。君長曰十數。白馬最大。皆氏類也。此皆巴蜀西南外蠻夷也。始楚威王時。使將軍莊蹻將兵循江上。略巴黔中。曰西。莊蹻者。楚莊王苗裔也。蹻至滇池。方三百里。旁平地肥饒數千里。曰兵威定屬楚。欲歸報。會秦擊奪楚巴黔中郡。道塞不通。迺

江蜀人司馬相如亦言西夷邛笮可置郡使相如往諭皆如南夷爲置一都尉十餘縣屬蜀當是時巴蜀四郡通西南夷道數歲道不通士卒死甚衆夷又數反發兵興擊耗費亡功上使公孫宏往視報言不便後竟罷之及元狩元年博望侯張騫言使大夏時見邛竹杖問所從來曰從東南身毒國可數千里得蜀賈人市或聞邛西可二千里有身毒國騫因盛言大夏在漢西南慕中國患匈奴隔其道誠通蜀身毒國道能通又無害於是天子使王然于等十餘輩往西南夷指求身毒國至滇留四歲餘皆閉昆明莫能通滇王與漢使言漢孰與我大夜郎侯亦然及南粵反上使人因犍爲發南夷兵且蘭君遂與其衆反殺使者及犍爲太守迨南粵破行誅隔滇道者且蘭斬首數萬遂平

因呂其衆王滇變服從其俗呂長之秦時嘗破略通五尺道諸國頗置吏焉十餘歲秦滅漢興皆棄此國而關蜀故徼巴蜀民或竊出商賈取其秭馬犍僮旄牛呂此巴蜀殷富建元六年王恢平東粵因兵威使番陽令唐蒙風曉南粵南粵食蒙蜀枸醬蒙問所從來曰道西北牂柯江江廣數里出番禺城下蒙歸至長安問蜀賈人獨蜀出枸醬多持竊出市夜郎夜郎者臨牂柯江江廣百餘步足呂行船南粵呂財物役屬夜郎然亦不能臣使也蒙迺上書曰南粵名爲外臣實一州主今呂長沙豫章往水道多絕難行竊聞夜郎有兵十萬浮船牂柯出不意此制粵之一奇也上令蒙將兵從巴秭關入遂見夜郎侯多同厚賜約爲置吏皆聽約還報迺呂爲犍爲郡發卒治道自犍道指牂柯

夫張匡和解之不從。大將軍王鳳薦金城司馬陳立爲牂柯太守。立臨邛人。前爲連然長。不韋令蠻夷畏之。及至。諭告夜郎王興。興不從命。立請誅之。未報。迺從數十人出行縣。至興國。且同亭。召興至。立數責斷其頭。出曉士衆。皆釋兵降。鉤町王禹漏卧侯俞震恐。入粟牛羊勞吏士。立還歸郡。興妻父翁指與子邪務收餘兵脅旁邑反。至冬。立奏募諸夷攻翁指等。翁指據阨爲壘。立絕其饟道。縱反間誘其衆。都尉萬年曰。兵久不決。費不可共。引兵獨進。敗趨還營。立怒。命戲下格之。都尉復還戰。立引兵救之。時天大旱。立攻絕其水道。蠻夷共斬翁指。持首出降。遂平定西南夷。

漢西南夷爲今四川南貴州西南及雲南全省地。夜郎國在

南夷爲牂柯郡。夜郎侯迺入朝。時誅且蘭并及邛君。苻冉駹皆震恐。請臣置吏。呂邛都爲越巂郡。苻都爲沈黎郡。冉駹爲文山郡。廣漢西白馬爲武都郡。使王然于風諭滇王入朝。滇王衆數萬。其旁東北勞深靡莫皆同姓相仗。未肯聽。勞莫數侵犯使。者吏卒。元封二年。發巴蜀兵擊滅勞深靡莫。呂臨滇。滇王降。請吏入朝。呂爲益州郡。賜滇王印。復長其民。後二十三歲。孝昭始元元年。益州廉頭姑繒民反。殺長吏。牂柯談指同並等二十四邑三萬餘人皆反。遣呂辟胡擊之。反爲所敗。明年復遣王平田廣明並進。大破益州。上呂鉤町侯亡波擊反者有功。立爲鉤町王。後閒歲。武都氐人反。遣馬適建韓增與廣明擊之。至成帝河平中。夜郎王興與鉤町王禹漏卧侯俞更舉兵相攻。遣大中

烏江

今烏江下游仍有黔江河之名

古黔中郡卽漢武陵章懷注黔中故城

在辰州沅陵縣西按辰州無黔水必郡雖置此其轄境均在烏江流域耳莊躋伐滇事當以後漢書爲正余別有辨番陽地理志作鄱陽漢縣名屬豫章今爲九江府牂柯江今南盤江水經注稱爲溫水出雲南曲靖府北霑益州境南流至阿迷州東折東北流爲入達江俗稱混水河至羅平州東界轉東流過貴州興義府南又東與北盤江合卽水經注存水也南北二盤江會合始有牂柯江名蓋興義府地卽漢武帝所立之牂柯郡也故酈氏謂水逕牂柯郡且蘭縣謂之牂柯水知牂柯江當時專指牂柯郡南一帶而言其後方爲全江總名巴祚關未詳可由此至夜郎當在今東川府境犍道漢縣

今曲靖府境。水經注。溫水出牂柯夜郎縣。溫水卽今八達江。乃南盤江之上游。源出曲靖西北。知曲靖爲故夜郎縣。滇國以滇池名。今雲南昆明縣。邛都。今四川寧遠府。桐師。爲滇國西南邊界。讀史兵略。謂卽龍陵廳。近是。葉榆。漢縣。屬益州。後隸永昌。以葉榆水得名。水卽元江上游。源出今雲南縣北梁王山。則縣爲雲南地無疑。舊昆明在葉榆桐師之間。當爲今永昌騰越順寧等地。師古注。謂舊卽舊州。昆明在其東南。卽南寧州。殊誤。徙國。武帝時爲徙縣。屬蜀郡。後隸屬國都尉。會典。謂卽雅州府西天全州。祚都。漢爲蜀郡嚴道縣。今曰清溪冉駹。漢爲汶山縣。今曰茂州。白馬。漢爲陰平道。今階州成縣西南。白馬關地。巴。漢巴郡。今重慶府。黔。水名。於義爲黑。今曰

南粵王趙佗眞定人也。秦并天下，略定揚粵，置桂林南海象郡。呂適徙民與粵雜處。十三歲至二世時，南海尉任囂病且死，召龍川令趙佗，語曰：「聞陳勝等作亂，豪傑叛秦相立，南海辟遠，恐盜兵侵此，吾欲興兵絕新道，自備待諸侯變，會疾甚，且番禺負山險阻，南北東西數千里，頗有中國人相輔，此亦一州之主，可爲國。」郡中長吏亡足與謀者，故召公告之。卽被佗書行南海尉事，囂死，佗卽移檄告橫浦山陽湟溪關曰：「盜兵且至，急絕道聚兵自守。」因稍呂法誅秦所置吏，呂其黨爲守假。秦已滅，佗卽擊并桂林象郡，自立爲南粵武王。高帝已定天下，爲中國勞苦，故釋佗不誅。十一年，遣陸賈立佗爲南粵王，與剖符通使，使和輯百粵，毋爲南邊害，與長沙接境。高后時，有司請禁粵關市鐵器。

爲犍爲郡治卽今敘州宜賓縣大夏身毒均見西域傳牂柯郡今貴州興義府境且蘭其首邑粵嶠郡卽邛都地見前沈黎文山白馬三郡武帝元鼎六年立後天漢四年省沈黎爲嚴道縣宣帝時又省文山爲汶江縣均屬蜀郡白馬郡後亦省故兩漢地理志均不載勞深靡莫爲滇東北與國當在今尋甸州境漢益州今雲南省城至三國時始以四川爲益州廉頭姑緡地理志不載未詳所在談指同並均漢縣屬牂柯地亦無攷鉤町牂柯屬縣地理志作句町注言有文象水東至增食縣入鬱文象水今曰西洋江爲鬱江上源知鉤町在滇東廣南府地漢金城郡今甘肅蘭州臨邛今邛州連然不韋均益州屬縣連然今雲南安寧州不韋今永昌保山縣

嬰齊歸嗣立。嬰齊在長安時，取邯鄲嫪氏女生子興，及卽位上書請立嫪氏爲后，興爲嗣。嬰齊薨，興嗣位，其母爲太后。太后未爲嬰齊妻時，嘗與灞陵安國少季通。元鼎四年，漢使安國少季諭王及太后入朝。王年少，太后中國人，安國少季復與私通，國人知之，多不附太后。太后恐亂起，欲倚漢威，勸王求內屬，因上書請比內諸侯。三歲一朝，除邊關。天子許之。其相呂嘉年長矣，相三王，宗族多爲長吏，粵人信之，得衆心，愈於王。王之上書數諫止，王不聽，有畔心。王太后謀誅嘉，使者狐疑不敢發。嘉迺陰謀作亂。天子聞之，罪使者怯，遣韓千秋將二千人往入粵境。呂嘉遂反，將卒攻殺王太后，盡殺漢使者，立前王長男建德爲王。擊千秋等滅之。元鼎五年秋，呂路博德爲伏波將軍，出桂陽下

佗曰。此必長沙王計。欲倚中國并南粵。以自爲功也。於是自尊號爲南粵武帝。發兵攻長沙邊。敗數邑。高后遣兵擊之。會暑大疫。兵不能踰領。歲餘。高后崩。罷兵。佗因曰。兵威財物賂遺閩粵。西甌駱役屬焉。文帝元年。迺爲佗親冢在眞定。置守邑奉祀。召其從昆弟尊官厚賜寵之。復遣陸賈使粵。賜佗書。使去帝號。佗頓首謝。願奉明詔。長爲藩臣。奉職貢。至武帝建元四年。佗孫胡爲南粵王。立三年。閩粵王郢興兵南擊邊邑。粵使人上書曰。兩粵俱稱藩臣。毋相攻擊。今東粵擅興兵侵臣。臣不敢興兵。唯天子詔之。天子多南粵義。遣兩將軍討閩粵。兵未踰領。閩粵王弟餘善殺郢。呂降。於是罷兵。使嚴助往諭意。南粵王胡頓首謝。遣太子嬰齊入宿衛。已卽具裝來朝。後竟請病不入見。十餘歲薨。

眞定今直隸正定府。揚粵者揚州南境所屬百粵地也。南海秦郡今廣東省城。龍川漢縣今屬惠州。番禺南海郡治。橫浦今南雄州地。卽水經注涯浦爲豫章入粵之孔道。陽山漢縣今屬連州。湟溪關在連州界。卽湟水。今作隍水發源處爲桂陽入粵之孔道。桂陽州今隸湖南。桂林郡秦置今廣西省地。象郡亦秦置今越南北圻地。零陵郡武帝時置今湖南永州府南。蓋溯湘水之源以入灘水。二水通連處在今廣西興安縣東南。蒼梧今廣西梧州。蓋戈船下瀨二軍會合於此。再東進也。尋陘卽滇陽峽。在韶州英德縣南。石門在廣州西北。樓船待伏波。當在佛岡廳北。滇江與隍水相合處。儋耳今儋州。珠崖今瓊州府。鬱林治布山。今潯州府貴縣。合浦今廉州。交趾今

淠水楊僕爲樓船將軍出豫章下橫浦故歸義粵侯二人爲戈
船下瀨將軍出零陵或下離水或抵蒼梧使馳義侯因巴蜀罪
人發夜郎兵下牂柯江咸會番禺六年樓船將精卒先陷尋陘
破石門得粵船粟因推而前挫粵鋒呂待伏波伏波將罪人道
遠後期與樓船會迺有千餘人遂俱進至番禺樓船居東南面
伏波居西北面會暮樓船攻敗粵人縱火燒城粵素聞伏波不
知其兵多少伏波迺爲營遣使招降者賜印綬復縱令相招遲
旦城中皆降伏波呂嘉建德呂夜亡入海伏波又問降者知其
所之追獲建德及嘉戈船下瀨兵及夜郎兵未下南粵已平遂
呂其地爲儋耳珠崖南海蒼梧鬱林合浦交趾九真日南九郡
自佗王凡五世九十五歲而亡

郡兵浮海往。未至東甌。請舉國徙中國。迺悉與衆處江淮之間。六年。閩粵擊南粵。南粵守約。不敢發兵。呂聞。上遣大行王恢出豫章。大司農韓安國出會稽。兵未踰領。閩粵王郢發兵距險。其弟餘善與宗族謀曰。漢兵衆強。卽倖勝之後。來益多。滅國迺止。今殺王。呂謝兵罷。國完。不聽。迺力戰。皆曰。善。卽殺王。奉其頭致大行。大行迺按兵馳報天子。詔罷兩將軍兵。曰。郢等首惡。獨無諸孫。繇君丑不與謀。乃立丑爲繇王。奉閩粵祀。餘善曰。殺郢威行國中。竊自立爲王。繇王不能制。上聞之。爲不足復興師。曰。餘善誅郢。師得不勞。因立餘善爲東粵王。與繇王並處。元鼎五年。南粵反。餘善請呂卒八千從樓船擊呂嘉等。兵至揭陽。呂海風波爲解。持兩端。及破番禺。樓船上書請擊東粵。上曰。士卒勞不

越南河內省地九真今越南清華省日南今越南乂安省

閩粵王無諸及粵東海王搖其先皆粵王句踐之後姓騶氏秦并天下廢爲君長曰其地爲閩中郡及諸侯畔秦無諸搖率粵歸番陽令吳芮所謂番君者也從諸侯滅秦當是時項王主命不王也曰故不佐楚漢擊項籍無諸搖率粵人佐漢漢五年復立無諸爲閩粵王王閩中故地都冶孝惠帝三年舉高帝時粵功曰閩君搖功多其民便附迺立搖爲東海王都東甌世號曰東甌王孝景三年吳王濞反欲從閩粵閩粵不肯行獨東甌從及吳破東甌受漢購殺吳王丹徒曰故得不誅吳王子駒亡走閩粵怨東甌殺其父常勸閩粵擊東甌建元元年閩粗圍東甌東甌告急天子大臣謂不足救惟嚴助言當救因遣助發會稽

淮閒蓋揚州淮安等地。豫章郡今江西省。繇爲閩粵屬地。未
詳何在。揭陽漢縣今屬潮州。梅領在江西寧都州東北。攷武
帝本紀。楊僕出豫章。知白沙武林皆江西地。白沙在鄱陽縣
西。武林卽餘干縣東之武陵山。句章今浙江慈谿鎮。海二縣
地如邪。卽若邪水名。在會稽縣南。此白沙則嶺名。在温州樂
清縣北。與上白沙不同地。

朝鮮王滿。燕人。自始燕時。嘗略屬真番朝鮮。爲置吏築障。秦滅
燕。屬遼東。外徼漢興。爲遠難守。復修遼東故塞。至沮水爲界。屬
燕。燕王盧綰反。入匈奴。滿亡命。聚黨千餘人。東走出塞。度沮水。
居秦故地。上下障。稍役屬真番朝鮮蠻夷。及故燕齊亡在者。王
之都王險。會孝惠高后天下初定。遼東太守卽約滿爲外臣。保

許令諸校屯豫章梅領待命。明年秋，餘善聞其事，遂發兵距漢道。且入白沙武林梅領，殺漢三校尉。上遣橫海將軍韓說、出句章、浮海從東方往。樓船將軍僕出武林，中尉王溫舒出梅領。粵侯爲戈船下濫將軍，出如邪、白沙。元封元年冬，咸入東粵。東粵使徇北將軍守武林，敗樓船數校尉。軍卒錢唐、袁終、古擊徇北，斬之。自兵未到，故粵衍侯吳陽在漢。漢使諭餘善，不聽。及橫海軍至，陽以其邑二千人反攻粵軍。與故粵建成侯敖繇王居股共斬餘善。呂其衆降。於是天子曰：東粵陋多阻，閩粵悍數反覆。詔軍吏皆將其民徙處江淮間。東粵地遂墟。

閩粵今福建地。東海今浙江南境地。治漢縣，今曰侯官。東甌今温州府。丹徒今鎮江府治。漢會稽郡治吳縣，今蘇州府。江

持兵太子亦疑使者詐遂不渡引歸左將軍破涓水上軍前至城下圍其西北樓船亦往會居城南右渠堅守數月不能下左將軍欲戰樓船欲約其降兩將不相得天子使濟南太守公孫遂往正之得便宜從事遂入左將軍言召執樓船并其軍左將軍卽急擊朝鮮朝鮮諸臣殺右渠降遂定朝鮮爲眞番臨屯樂浪元菟四郡

按朝鮮史相傳其國肇自檀君傳一千四十八年至周初箕子代興傳四十世爲燕人衛滿襲據其地班書記漢事故託始於滿眞番本朝鮮附屬番部七國時爲燕所略武帝破朝鮮改爲郡治雪縣在今奉天興京廳邊外東南至鴨綠江地涓水有二唐書高麗傳南涯涓水指大同江而此傳涓水均

塞外蠻夷毋使盜邊。曰：故滿得呂兵威財物，侵降其旁小邑。眞番、臨屯皆來服屬，方數千里。傳子至孫，右渠誘漢亡人滋多。又未嘗入見，眞番辰國欲上書見天子。又雍闕弗通。元封二年，漢使涉何譙諭右渠，終不奉詔。何去至沮水，使馭刺殺送何者朝鮮裨王長，歸報天子。拜何遼東東部都尉。朝鮮怨何，發兵攻殺何。天子遣樓船將軍楊僕從齊浮勃海，左將軍荀彘出遼東擊右渠。右渠發兵距險，左將軍率遼兵先縱，敗還走。樓船將齊兵七千先至王險，右渠見其兵少，卽出擊。樓船敗走，失其衆。遁山中十餘日，收散卒復聚。左將軍擊朝鮮沮水，西軍未能破。天子爲兩將未有利，乃使衛山因兵威往諭。右渠頓首請降，遣太子入謝。人衆萬餘持兵方渡沮水，使者及左將軍疑其詐，令人毋

水爲今東遼河及攷水經注見其水西南行經襄平遼隊方
與大遼河會知必指渾河以襄平卽今奉天省城遼隊縣在
今遼陽州西與東遼河情形不相合也

指鴨綠江。今攷據家但知大同江爲湞水。不知鴨綠江亦有湞水之名。蓋大同江在平壤南。衛滿所都王險城卽平壤。滿渡湞水而後居此。則水在平壤之北可知。證一。涉何諭右渠還朝必經湞水。證二。左將軍擊破湞水西軍。方得至王險。證三。右渠太子入謝天子。至湞水引歸。證四。觀此傳中湞水皆指鴨綠江明矣。臨屯亦番部。後爲郡治。東曉今爲朝鮮江原道。江陵府城。辰國卽辰韓。今慶尙道地。勃海見禹貢。一名黃海。今直隸山東東面之海是也。樂浪郡治王險。今屬平安道。元菟本置於朝鮮東沃沮國地。後徙治高句驪縣。縣卽古高句驪國。在今盛京東北英額邊門外。渾河發源處。地理志言高句驪縣遼山。遼水所出。西南至遼隊。入大遼河。初疑此遼

漢書西域傳地理攷證

仁利丁謙益甫氏學

西域以孝武時始通本三十六國其後稍分至五十餘皆在匈奴之西烏孫之南南北有大山中央有河東西六千餘里南北千餘里東則接漢阨以玉門陽關西則限以蔥嶺其南山東出金城與漢南山屬焉其河有兩原一出蔥嶺山一出于闐于闐在南山下其河北流與蔥嶺河合東注蒲昌海蒲昌海一名鹽澤者也去玉門陽關三百餘里廣袤三百里其水亭居冬夏不增減皆以爲潛行地下南出於積石爲中國河云自玉門陽關出西域有兩道從鄯善傍南山北波河波傍也波河猶言循河西行至莎車爲南道南道西踰蔥嶺則出大月氏安息自車師前王庭隨

蕭山都九齡
餘杭章歲同校

卒數百人置使者校尉領護以給使外國者至宣帝時遣衛司

馬

卽鄭吉吉傳以侍郎遷衛司馬

使護鄯善以西數國及破姑師未盡殄分以

爲車師前後王及山北六國時漢獨護南道未能盡并北道也

然匈奴不自安矣其後日逐王畔單于將衆來降護鄯善以西

使者鄭吉迎之旣至漢封日逐王爲歸德侯吉爲安遠侯是歲

神爵三年也乃因使吉并護北道僮僕都尉由此罷匈奴益弱

不得近西域於是徙屯田於北胥鞬披莎車之地

徐松攷莎車爲車師之詭

屯田校尉始屬都護

徐松注卽下傳別田車師事

都護督察烏孫康居諸外

國動靜有變以聞可安輯安輯之可擊擊之都護治烏壘城去

陽關二千七百三十八里與渠犂田官相近土地肥饒於西域

爲中故都護治焉至元帝時復置戊己校尉屯田車師前王庭

北山波河西行至疏勒爲北道北道西踰葱嶺則出大宛康居

奄蔡焉

俗本漢書焉字下有耆字乃妄人所增焉耆在疏勒西東安得西出復有焉耆攷景祐本無耆字今從之

西

域諸國大率土著有城郭田畜與匈奴烏孫異俗故皆役屬匈

奴匈奴西邊日逐王置僮僕都尉使領西域常居焉耆危須尉

黎閒賦稅諸國取富給焉自周衰戎狄錯居涇渭之北及秦始

皇攘卻戎狄築長城界中國然西不過臨洮漢興至於孝武事

征四夷廣威德而張騫始開西域之跡其後驃騎將軍擊破匈

奴右地降渾邪休屠王遂空其地始築令居以西初置酒泉郡

後稍發徙民充實之分置武威張掖敦煌列四郡據兩關焉自

貳師將軍伐大宛之後西域震懼多遣使來貢獻漢使西域者

益得職於是自敦煌西至鹽澤往往起亭而輪臺渠犂皆有田

河之大源二。其一出蔥嶺。凡合水三支。卽今葉爾羌河。喀什噶爾河。及烏什河。其一出于闐南山。凡合水二支。卽今哈喇哈什河。玉龍哈什河。二源相會。名塔里木河。東流迤南。入蒲昌海。蒲昌海一名鹽澤。水經注作泐澤。今曰羅布泊。水經注云。泐澤去玉門陽關千三百里。此云三百餘里。其上當脫千字。此泊近年已分爲二。東名羅布淖爾。西名喀喇布朗湖。兩泊相距約三十里。羅布泊橫約一百五十餘里。縱約四十餘里。喀喇布朗湖縱與相等。橫則半之。然覈以水經注情形。喀喇布朗湖古時當爲注賓河。河身蓋河水東會阿耨達大水。又東逕且末北。通稱爲注賓河。而注賓河又東逕鄯善北。始入於泊。酈氏所以稱水積鄯善東北也。由此觀之。古時泊水。

是時匈奴東蒲類王茲力支將人衆千七百餘人降都護都護分車師後王之西爲烏貪訾離地以處之自宣元後單于稱藩臣西域服從其土地山川王侯戶數道里遠近翔實矣

中國內地諸山皆發脈於崑崙崑崙東西行今和闐南山是也塞北諸山皆發脈於蔥嶺蔥嶺南北行今喀喇闊魯穆山是也二山體勢相聯形如曲尺由崑崙迤而東北爲阿勒騰塔格山阿斯騰塔格山卽班氏所謂南山由蔥嶺迤而東北爲騰格里山博克達山卽班氏所謂北山漢西域在南北山之間故疊嶂外環平原中敞但平原內戈壁居其大半惟沿北山及南山近西處一帶溪流交匯土脈膏腴爲當時城郭諸國所錯處其山閒瘠壤不能耕植者始以游牧資其生焉

連山從鄯善傍南山北波河西行至莎車爲南道此道久閉

不通今始重開蓋從羅布泊南逆車爾成河西南行經今車

爾成莊卽漢精絕國境地克里雅莊卽漢扞彌和闐州以至葉爾羌

卽漢莎車城車爾成河一名卡牆河卽水經注阿耨達大水發源

託古茲達阪山之北面曰烏魯克河西北流至車爾成莊乃

名車爾成河轉東北流凡千餘里入羅布泊南道踰葱嶺出

大月氏安息者則從葉爾羌西上格茲山峽度烏茲別里山

口歷魯善巴達克山等部地抵布哈爾卽漢大月氏國再西

渡阿母河至波斯境卽漢安息國也若自車師前庭隨北山

波河西行至疏勒爲北道與今時驛路正同蓋自土魯番卽漢

車師前庭西南經喀喇沙爾卽漢焉耆逆塔里木河西行歷庫車卽漢龜茲

必東南北三面視今泊各溢出百餘里故廣袤皆三百里云
泊水潛行復出積石古說相傳已久惟西人不之信謂用實
測法測得羅布泊高於海平綫二千六百尺鄂淩泊高一萬
四千尺至潛源重出之噶達素齊老噶達素譯言北極星也齊老者石也蓋此處之
山頂有大石高四丈許古積石山也後人所指積石山皆誤辨詳後穆天子傳攷證更高至一萬四千
七百尺水卽能潛流千五百里之遠豈能上湧千數百丈之
高此亦古今一大問題矣玉門陽關漢地理志均在敦煌郡
龍勒縣境新唐書言河州壽昌縣西十里至陽關故城以今
地攷之玉門在敦煌縣西北百餘里陽關在玉門南陽關故
址在今敦煌縣西一百二十里紅山嘴地南山東出金城與
漢南山屬金城今甘肅省蘭州府治漢南山卽蘭州西之祁

崑崙山攷

崑崙之名始見禹貢其他古籍敘述亦多如山海經爾雅穆天子傳莊子列子及尙書大傳禹受地說書遁甲開山圖河圖博雅史記賈誼新書淮南子等大都單詞偶及語焉弗詳若屈宋詞賦諸家其所徵引多玄虛縹渺後人遂以此山爲神仙窟宅則荒誕不經矣至問崑崙之山究在何地紛紛者更難折衷或據漢地志謂在臨羌縣西此蔡氏書傳說按漢地志但言臨羌西有崑崙山祠並不云山在其地郡國志言西有崑崙山疑脫失一祠字也或據唐書劉元鼎說吐番謂卽湟水西南之紫山虜曰悶摩黎山或據元地志附錄卽謂朵甘思東北大雪山番名亦爾麻不莫刺其山至十六國春秋元和郡縣志輿地廣記太平寰宇記皆謂卽酒泉之

阿克蘇

即漢溫宿

以至喀什噶爾即漢疏勒城北道踰葱嶺出大宛康

居奄蔡者則從喀什噶爾北上察克瑪克越圖魯嘎爾特山

口西北過古爾槎俄礮臺歷鄂什安集延二城以至浩罕即

漢大宛國再西北抵塔什干順錫爾河北行至鹹海即漢康

居國再西由裏海北至今俄國南黑海濱即漢奄蔡國也○

前許侍郎景澄著西北邊地攷證謂漢時天山南道本由羅

布淖爾西達和闐自唐以後其道遂湮與余說正合惟謂車

爾成地即漢且末國按之本書及水經注均情形不符至謂

卡牆河其上游經山北流即阿耨達大水下流逕巴什什里

之北即注賓河尤謬蓋由誤認且末地不得不任臆分配以

求合於古書之所言耳

之尙存於今。確鑿可據者。不解晉唐後談崑崙者何以各出
己見。並不一徵古書。今河水上源實出于闐國界。若岡底斯
山。安有河源。其證一也。大荒西經載西海之南。流沙之濱。赤
水之後。黑水之前。有大山名昆侖之邱。攷新疆南路並無大
水。足當西海之目。惟特穆爾圖泊。雖隔冰嶺。方位恰合。和闐
迤北盡係戈壁。卽古流沙。喀什噶爾河。唐地志稱爲赤河流。
經和闐北界。南山正在其後。葉爾羌河。土人稱哈喇烏蘇。與
哈喇喀什河皆黑水也。並出和闐西南。南山正在其前。和闐
南山之爲崑崙。無一弗合。彼岡底斯山地。豈有是乎。其證二
也。從古皆稱崑崙爲羣山之祖。自必體勢高大。脈絡綏長。和
闐南山實與相副。岡底斯乃由此分出之一支。詎足當祖山

南山北江洪氏又謂卽新疆之天山類皆武斷無所依據其尤爲支離者如王氏書經稗疏謂臨洮胭脂山蘭州皋蘭山河州普贊山洮州雪山均足以當崑崙而一統志且謂西域自葱嶺以東至酒泉南山凡前人所指爲崑崙者實皆一山皆崑崙也攷據若此豈不貽笑羣倫總由見圓方隅又未得實測精圖參攷地位種種乖戾固其宜歟自康熙閒命侍衛勝住偕唐古忒刺麻測繪兩藏青海地圖妄指阿里部岡底斯山稱爲崑崙遂爲崑崙增一新說無識者多深信之不知實爲番僧所愚攷古徵今全無根據者也按史記大宛傳漢使窮河源出于闐西漢時已有定論禹本紀云河出崑崙爾雅云河出崑崙虛山海經云崑侖之山河水出焉皆古圖書

穆天子傳辛酉升崑崙邱甲子北舍珠澤丁卯始北升春山
春山卽蔥嶺蓋穆王旣南至崑崙仍北旋由珠澤以升春山
知蔥嶺處崑崙西北與今地圖方位恰符固不獨一南北行
一東西行山體截然不同也惟和闐南山華書名稱甚多或
曰察克瑪克曲底山或曰尼莽依山又如近哈朗歸曰哈朗
歸山近克里雅曰克里雅山而西人則通稱之曰崑崙山又
曰託古茲達坂託古茲九也達坂嶺也以山有大嶺九故名
抑更有說者唐元奘西域記康泰扶南傳皆謂阿耨達山卽
中國之所謂崑崙今阿耨達大水見後且末國傳實出於託古茲達
坂北麓則託古茲達坂卽阿耨達山亦卽所謂崑崙此於釋
典中求崑崙亦確有明徵岡底斯僅阿耨達山之一支詎足

徽號

一統志岡底斯山周百四十餘里高五百五十餘丈若和闐南山周二千餘里其哈朗歸峯高千九百餘丈大

小高下懸殊岡底斯之不稱祖山明甚

其證三也且崑崙之譯義爲橫三史國語解昆

都侖橫也崑崙卽昆都侖之省文

和闐南山由西而東千餘里不斷爲回部

與唐古忒天然界限正合橫字之義岡底斯山係由北而南

適與橫字反其證四也又崑岡出玉自古著稱今和闐境中

產玉之處既多且美

見後于闐傳注

阿里部地曾聞產玉乎其證五

也近日西人所繪輿圖無一不確指和闐南山爲崑崙彼必

有據卽證以中國典籍固一一符合矣若崑崙之西與蔥嶺

接連故蔥嶺亦或稱爲崑崙西圖以蔥嶺爲喀喇庫魯穆山

而稱其山口曰喀喇闊隆皆崑崙之轉音特因山色青蒼近

黑故以黑崑崙別之然二山雖可通稱而主名究有分析觀

自印度歸身經此道雖見有覩貨邏故城

即精絕

沮末城

即且末

均空曠無人煙自是攷古諸家遂不復知南道之所在或云

闢展以南和闐以東周圍萬里皆星宿之海邈無人跡

見西域聞

見錄或云漢時鄯善精絕等國今已淪入瀚海

見漢西域圖攷

或並曲

爲之說謂班史所載於山有傍南山隨北山之別於河但曰

波河不分南北明西域中間只有一河

見漢西域傳補注

臆說紛紛

幾同夢囈蓋自水經注後中國圖籍不聞於塔里木東別有

一河可循之以行也近洪侍郎鈞中俄交界圖始在羅布泊

西南增入車爾成河證以水經注即阿耨達大水無疑余因

據此以攷定漢時南道然究未知洪圖果何所本頃讀俄人

普舌瓦爾游記方得了然記云車爾成河地高四千五百尺

以當崑崙之名哉

漢時西域南道久塞復通攷

漢書出西域有二道由鄯善且末精絕扞彌以至於闐莎車

稱爲南道後漢書及魏略仍而不改至魏書西域傳雖言出

西域其道有四而漢時南道諸地絕不敘及知此道之亡實

始是時揆厥所由蓋因漢末造鄯善逞強西并且末精絕迨

北魏吐谷渾又并鄯善嗣後其主慕利延更西入于闐而殺

其王彼時南道數兵燹以致人民離散土地荒蕪觀神龜初

魏遣宋雲等往印度求經至左末城

卽且末

僅居民百家再西

行一千二百七十五里絕無可紀之事泊抵末城捍磨城

卽扞

彌始有居民佛寺道路荒涼已可想見又百餘年唐僧元奘

如揚吉阿雷克彥塔克庫都克哈喇木倫安特刺雅爾通古
茲巴列克尼雅等莊皆有居民數百或數千炊煙櫛比隴畝
蟬連一千八百餘里之荒沙遂成康莊大道此漢時南道所
以久塞而復通也

出陽關自近者始曰婁羌婁羌國王號去胡來王去陽關千八
百里去長安六千三百里辟在西南不當孔道戶四百五十口
千七百五十勝兵者五百人西與且末接隨畜逐水草不田作
仰鄯善且末穀山有鐵自作兵兵有弓矛服刀劒甲西北至鄯
善乃當道云

出陽關不言玉門以諸國皆偏南故從近陽關之婁羌起按
婁羌戶祇四百口祇千餘何小宛廬戎渠勒于闐諸國皆與

自中國乾隆年閒有和闐克里雅喀什噶爾阿克蘇人次第

徙此阿古柏

安集延舊名同治初踞南入城

時爲謫遣罪人之地現有居民

六百戶約三千五百口皆傍河兩岸居住距車爾成西十五

六里有廢城計長四里土人云此城距今已九百年相傳古

時尙有一城二千年前早已淪沒自車爾成西至克里雅有

二道一傍山行七百八十餘里一近沙漠行五百八十里觀

此知此道開通之故始因乾隆之用兵繼因安夷之侵入遠

近避亂者喜其地偏僻不通大道故遷徙漸多居民旣繁道

路自闢迨至今日業於克里雅設立于闐縣治又於卡克里

克

圖作察爾哈雷克

設立婁羌縣治羅布故城設立新平縣治而車

爾成地適處其中東如塔爾塘巴什什里塔特雷克等莊西

且末七百二十里。自且末以往皆種五穀。土地草木畜產作兵略與漢同。有異乃記。

鄯善國在今敦煌縣西。羅布泊南。所都扞泥城。據水經注。俗謂之東故城。蓋以伊循爲新城也。新唐書石城鎮。卽漢樓蘭

國在蒲昌海。

卽羅布泊

南三百里。攷中俄交界圖。其國都當在今

阿斯騰塔格山麓。占布拉克地。布拉克譯言泉。因沙磧中非有水處。人不能居。故揆度情形。當在此處。

隋地志鄯善郡治樓蘭城有蒲昌海

鄯善水。鄯善水殆卽此泉。

山國。水經注作墨山國。云西至尉犁二百四十

里。當在羅布泊北近博斯騰泊處。因鄯善至車師。此爲捷徑。故特詳言里數。此與媼羌俗皆游牧。隨畜逐水草。惟媼羌全爲行國。故無城。鄯善則行國而兼城居者也。伊循城。

唐書作伊脩

相接。蓋婼羌者，西域雜羌之總名也。部落散處甚多。今川滇邊外，直至西藏，所稱草地、黑帳房、番子，皆是。此特近陽關之一部。診其地望，當在柴達木、郭斯特等處。以地隔南山，故辟不當道。鄯善且末均在其西北。故西與且末接，西北至鄯善。鄯善國本名樓蘭。王治并泥城，去陽關千六百里，去長安六千一百里，戶千五百七十口，萬四千一百，勝兵二千九百十二人。西北去都護治所千七百八十五里。至山國千三百六十五里。西北至車師千八百九十里。地沙鹵，少田。寄田仰穀旁國。國出玉，多葭葦、檉柳、胡桐、白草。民隨畜牧，逐水草。有驢馬，多橐駝。能作兵，與婼羌同。國最在東，垂近漢。當白龍堆，乏水草。國中有伊循城，其地肥美。漢遣吏田伊循，以填撫之。鄯善當漢道，衝西通。

在羅布泊西南水經注載南河又東逕且末國北又東右會

阿耨達大水

即車爾成河一作卡牆河

其水北流逕且末南山又北逕沮

末城西是且末城在塔里木河南車爾成河東岸無疑惟其地今已淪入喀喇布朗湖中蓋此地古時爲河水東流所經而阿耨達水由南入之本無湖也後以戈壁風沙壅於河身河流不暢遂於上游積水成泊且末城址漸沒入焉然攷水經注且末城東去鄯善七百二十里按以今圖當在湖之近西岸處

小宛國王治扞零城去長安七千二百一十里戶百五十勝兵二百人西北至都護治所二千五百五十八里東與婁羌接辟南不當道

當在國之東北羅布泊南唐書言伊脩城又西八十里故樓蘭國水經注敦煌

索勒將兵千人至樓蘭召鄯善焉耆龜茲兵各千橫斷注賓

河屯田三年積粟百萬卽伊循城地也今羅布泊東南有庫

爾干河從南來入之庫爾干譯言城必古時水旁有城因以

爲名伊循城當在此河下游注賓河見上由玉門西行過此

國卽入且末境故西通且末

且末國王治且末城去長安六千八百二十里戶二百三十口

千六百一十勝兵三百二十人西北至都護治所二千二百五

十八里北接尉犁南至小宛可三日行有蒲陶諸果西通精絕

二千里

且末國伽藍記作左末大唐西域記作沮末又作折馱那地

百一十勝兵三百人東北去都護治所二千八百五十八里東與小宛南與婁羌西與渠勒接辟南不當道

戎盧當在今車爾成東南烏魯克河源處故東北與小宛正西與渠勒皆相接此婁羌蓋卽今後藏北路番帳故南與之接也以國在山間故辟不當道

扞彌國王治扞彌城去長安九千二百八十里戶三千三百四十口二萬四千勝兵三千五百四十人北至都護治所三千五百五十三里南與渠勒北與龜茲西北與姑墨接西通于闐三百九十里今名寧彌

扞彌國卽史記大宛傳之扞采今克里雅地一作克勒底雅近置于闐縣於北唐地理志作寧彌城寧彌有建德力河卽

西域傳
小宛距且末祇三日行約不及三百里診其地望當在阿勒騰塔格山南故北與且末接東與婁羌接以隔阿勒騰塔格山故辟南不當道

精絕國王治精絕城去長安八千八百二十里戶四百八十口三千三百六十勝兵五百人北至都護治所二千七百二十三里南至戎盧四日行地阨陁西通扞彌四百六十里

精絕地在今車爾成西一帶唐地理志寧彌城東七百里精絕國可攷故東北距且末近二千里西南與戎盧正西與扞彌皆相通此國北近戈壁南阻託古茲大山地形狹長故曰阨陁

戎盧國王治卑品城去長安八千三百里戶二百四十口千六

所三千九百四十七里。南與婁羌接。北與姑墨接。于闐之西水皆西流。注西海。其東水東流。注鹽澤。河原出焉。多玉石。西通皮山三百八十里。

于闐國卽今和闐直隸州地。西山城當在今伊里齊城之南。近山處。故有此名。于闐之西。句下應有踰葱嶺三字。方與水皆西流。注西海相貫串。否則于闐西尙多東北流之水。不得云水皆西流也。西海指裏海言。蓋古時阿母河直入裏海。至明時始改入鹹海耳。其東水東流。卽指車爾成河。河原出焉。謂車爾成河入羅布泊。潛行地中。至巴顏喀喇山。復出爲中國之黃河也。攷西域水道記。和闐產玉處凡五。曰哈喇哈什。曰桑谷。曰樹雅。曰哈朗歸山。而以玉隴哈什產者良。

桑谷樹雅均在

克里雅河其地南面爲山渠勒在南山中故相接北面爲大戈壁雖與龜茲姑墨接界然道不能通也西至和闐今四百二十里

渠勒國王治鞑都城去長安九千九百五十里戶三百一十口千一百七十勝兵三百人東北至都護治所三千八百五十里東與戎盧西與婁羌北與犂彌接

渠勒當在今和闐東南之波魯地與戎盧同在南山中故東與相接此婁羌蓋卽今伊瑪木拉河南地阿里北境所屬番帳也故渠勒于闐南均與相接

于闐國王治西城

新唐書作西山城此似脫一山字

去長安九千六百七十里

戶三千三百口萬九千三百勝兵二千四百人東北至都護治

當道外凡出陽關而西先經鄯善次且末折南至精絕又西至扞彌至于闐至皮山然後歷烏秣罽賓天竺至烏弋山離爲西南踰葱嶺第一道若由莎車南行則不經皮山而歷西夜蒲犁難兜亦可至罽賓境爲第二道又由莎車西北歷依耐無雷而至大月氏安息爲第三道又由疏勒西北歷捐毒休循桃槐而至大宛康居爲第四道

烏秣國王治烏秣城去長安九千九百五十里戶四百九十口二千七百三十三勝兵七百四十人東北至都護治所四千八百九十二里北與子合蒲犁西與難兜接山居田石閒有白草累石爲室民接手飲出小步馬有驢無牛其西則有縣度去陽關五千八百八十八里去都護治所五千二十里縣度者石山

和闐西南

又西域聞見錄和闐出玉石多於葉爾羌日多玉石

皮山國王治皮山城去長安萬五十里戶五百口三千五百勝兵五百人東北至都護治所四千二百九十二里西南至烏秣國千三百四十里南與天篤接北至姑墨千四百五十里西南當罽賓烏弋山離道西北通莎車三百八十里

皮山魏略作皮穴北魏書作蒲山國在莎車南于闐西今啗馬臺西北有皮什南當卽其處現已增設皮山縣治於其近境

皮山爲崑山異譯崑山見史記韓信傳言地依山也近人謂卽夏禹時貢皮之國附會可笑

由其國西

南薩納珠地入葱嶺度喀喇闊隆山口至烏秣爲往印度諸國之通道天篤卽天竺轉音罽賓烏弋北西二天竺地也○以上十國皆在漢南道間除婁羌小宛戎盧渠勒四國辟不

西夜國王號子合王治呼犍谷去長安萬二百五十里戶三百五十口四千勝兵千人東北至都護治所五千四十六里東與皮山西南與烏秣北與莎車西與蒲犁接蒲犁及依耐無雷國皆西夜類也西夜與胡異其種類羌氏行國隨畜逐水草往來而子合土地出玉石

西夜王號子合王者蓋其時西夜國王兼轄子合地也至後漢時始各自立王西夜當卽今綽洛克台地子合當卽今裕勒里克地故東南接皮山西南接烏秣北與莎車接西與蒲犁接方向適合西夜子合蒲犁依耐無雷等國皆處蔥嶺山谷間無田可耕故其族以遊牧爲生有類羌氏西域水道記瑪爾瑚魯克所產玉青質黑暈若血沁然回民自裕勒里克

也。谿谷不通，以繩索相引而度云。

烏耗在皮山西南千三百餘里。蓋今拉達克部地。

屬克什米爾，又名賴

攷康輜記行，其地北至葉爾羌十八站，則由皮山西往千三百餘里。道里恰合。子合蒲犁正在其北，難兜當在其西北。惟魏書言權于摩國，卽烏耗。恐誤。權于摩伽藍記作於摩，北距子合僅四日程，與烏耗遠近懸殊，不能牽合爲一。此部居葱嶺西谷中，所在皆石，故山居田在石間，並疊石爲室也。縣度俗名溜筒，棧索河兩岸中貫竹筒，繩曳而過。川黔滇粵皆有之，不僅西域爲然。此在其國西，蓋藉以渡新頭河至克什米爾等地。卽屬賓傳所云放其使於縣度處，與佛國記法顯所過之縣度在烏菟國界者，似非一地。

車五百四十里北至疏勒六百五十里南與子合接俗與相同少穀寄田疏勒莎車

依耐東北至莎車北至疏勒南與子合接揆其地望當在今英吉莎爾城西南金闕勒河源地會典以英吉莎爾城爲依耐則距疏勒太近形勢未確至此與難兜傳王治下不言某地王懷祖謂是闕文非也蓋游牧之俗移徙無恆不能指定一地爲其治所耳

無雷國王治盧城去長安九千九百五十里戶千口七千勝兵三千人東北至都護治所二千四百六十五里南至蒲犁五百四十里南與烏秣北與捐毒西與大月氏接衣服類烏孫俗與子合同

卡倫來葉城。讐之。因名裕勒里克玉。則子合出玉石。確有可徵。

蒲犁國。王治蒲犁谷。去長安九千五百五十里。戶六百五十口。五千勝兵二千人。東北至都護治所五千三百九十六里。東至莎車五百四十里。北至疏勒五百五十里。南與西夜子合。接西至無雷五百四十里。寄田莎車。種俗與子合同。

新疆近設蒲犁廳。於莎車府西南塔什庫爾干城。揆之本傳。方向道里頗相符合。惟南接西夜子合。當作東南。西至無雷五百四十里。當作西北。按此卽魏隋唐羯盤陀國地。

依耐國。王治去長安萬一百五十里。戶一百二十五口。六百七十勝兵三百五十人。東北至都護治所二千七百三十里。至莎

可種五穀。惟鄰近強大之罽賓故爲所役屬。

罽賓國王治循鮮城去長安萬二千二百里。不屬都護。戶口勝兵多大國也。東北至都護治所六千八百四十里。東至烏秣國二千二百五十里。東北至難兜國九日行。西北與大月氏西南與烏弋山離接。昔匈奴破大月氏。大月氏西君大夏而塞王南君罽賓。塞種分散。往往爲數國。自疏勒以西北。休循捐毒之屬。皆故塞種也。罽賓地平溫。和有目宿雜草。奇木檀櫟梓竹漆。種五穀蒲陶諸果。糞治園田。地下溼生稻。冬食生菜。其民巧彫文。刻鏤治宮室。織罽刺文繡。好治食。有金銀銅錫以爲器。市列以金銀爲錢。文爲騎馬。幕爲人面。出封牛水牛象大狗沐猴孔爵珠璣珊瑚虎魄璧流離。他畜與諸國同。自武帝始通罽賓。自以

無雷國南爲烏秣北爲捐毒西爲大月氏診其地望當在今
郎庫里西阿克蘇河地惟至蒲犁當云東南後書言莎車西
經蒲犁無雷至大月氏此地道路適合

難兜國王治去長安萬一百五十里戶五千口三萬一千勝兵
八千人東北至都護治所二千八百五十里西至無雷三百四
十里西南至罽賓三百三十里南與婁羌北與休循西與大月
氏接種五穀蒲陶諸果有銀銅鐵作兵與諸國同屬罽賓

難兜當卽今乾竺特部故無雷在其北罽賓在其西南所云
三百四十里蓋至罽賓界非國都也南之婁羌卽魏書阿鈎
羌在今巴勒提境此國人戶頗衆蒲犁以下四國勝兵每居
人口之半蓋夷俗除婦女外人皆爲兵也地處河濱

柴棍河

故

氏實在秦時。大月氏西走逐塞王而據其地。塞王始越縣度。

侵入北印度境。核其時當在秦末漢初。四裔年表前元二百

六年。漢高帝元年米納人在巴特里。即大夏東境與印度接壤處。

爲王。以中史證之。此米納人必卽塞王無疑。蓋情事年代均

符合也。其云巴特里東境與印度接壤處卽本齋地。塞王南

侵先入克什米爾。再得本齋合成一國。故距烏秣二千餘里。

距難兜九日行。所都循鮮城。唐書作修鮮今稱勒懷。一作拉虎爾。

唐地理志。修鮮都督府以屬賓國。遏紇城置。遏紇卽勒懷拉

虎之轉音。元奘西域志作傑伽亦與遏紇音合國境爲五河會合處。故肥平下

溼可種五穀。又印度史載前元百八十一年。高后七年至百六十

一年。文帝後元二年間拔德利安王。即巴特里發兵侵入本齋并及西南

絕遠漢兵不能至其王烏頭勞數剽殺漢使烏頭勞死子代立遣使奉獻漢使關都尉文忠送其使王復欲害忠忠迺與容屈王子陰末赴其攻殺王立陰末赴爲王後軍候趙德使其國爲所囚并殺副以下七十人遣使謝元帝第放其使於縣度絕不與通成帝時復貢獻謝罪漢欲遣使報送大將軍王鳳從杜欽議令使至皮山而還而罽賓實利賞賜賈市其使數歲而一至云

漢之罽賓東接烏秣東北接難兜西北接大月氏西南接烏弋山離揆其疆土凡印度河迤南迤東各地皆其所轄實有今克什米爾本

齋

本齋譯言五河一作本若

兩部全地故曰大國塞王南

君罽賓史雖未紀其年然攷史記匈奴傳冒頓單于破大月

弋地暑熱莽平其草木畜產五穀果菜食飲宮室市列錢貨兵器金珠之屬皆與罽賓同而有桃拔獅子犀牛俗重妄殺其錢獨文爲人頭幕爲騎馬以金銀飾杖絕遠漢使希至自玉門陽關出南道歷鄯善而南行至烏弋山離南道極矣轉北而東得安息

烏弋山離卽今俾路芝國後漢書載烏弋山離時改排持排持卽俾路芝合音國在古波斯時爲吉德羅西亞省波斯亡屬希臘未幾希臘分裂烏弋遂乘機自立此國當時兼有今波斯東南地故曰大國犁靬卽西史羅馬漢時國勢正盛其東界直至猶太故烏弋西與相接撲桃後漢書作濮達魏書作薄羅乃其轉音爲大夏故都其地正居烏弋之北條支者

各地四裔年表前元百八十八年惠帝七年地米特屬巴特里王

地米特即米納此塞王所踞之罽賓轉屬巴特里之證又印

度史百二十六年武帝元朔三年韃靼人攻希臘所立拔德利安國

逐之即大月氏臣大夏事未幾時復踰雪山征服本齋之拔德利安人

即後漢貴霜王滅罽賓事也觀此塞王君罽賓不過二十餘年即為巴特

里所征服巴特里得罽賓亦不過四五十年復為大月氏所

兼并參合中印二史可以互補所未備云

烏弋山離國王去長安萬二千二百里不屬都護戶口勝兵多

大國也東北至都護治所六十日行東與罽賓北與撲桃西與

犁靬條支接行可百餘日乃至條支國臨西海暑溼田稻有大

鳥卵如甕人眾甚多往往有小君長安息役屬之以為外國烏

欲至安息必須轉北而東蓋其時安息所都在今波斯呼拉
商省東北巴治斯坦城也

按此傳末轉北而東得安息句非僅爲安息傳作過文實爲
以下七國作一絕大關捩蓋上文由皮山烏秣踰葱嶺而至
罽賓烏弋皆自近以及遠下文由安息而月氏由月氏而康
居由康居而大宛由大宛而桃槐休循捐毒皆自遠以及近
班史脈絡深細如此後人每忽不及覺負作者苦心矣因特
揭之以清眼目

安息國王治番兜城去長安萬一千六百里不屬都護北與康
居東與烏弋山離西與條支接其屬大小數百城地方數千里
最大國也臨嬀水商賈車船行旁國書革旁行爲書記武帝始

阿拉伯也。國臨西海。謂國之西面濱於紅海。通史前編言阿拉伯自古皆游牧部落。境中平地居三之一。惟平原之外環以沙漠。沙漠之外閒以高原。故其地不相連屬。遂各立小君。長爲治。史分其全地爲三。在西北曰黑德倭斯。在西南曰也門。在中央曰內惹德。亞拉伯志詳載古時部落稍著名而有史事可攷者。凡十餘國。惟國以分而見弱。故每爲安息所役。屬視之爲外夷也。傳中因夾敘條支。故下文重提烏弋以清眉目。國地南近印度洋。爲熱風所煽。故暑熱。但俗事游牧。不勤種植。安得田稻。此史之誤。境東西雖多山嶺。而中間亦多坦壤。故莽平。俗重妄殺者。近天竺。行佛教。自度葱嶺。歷罽賓。至烏弋西界。前阻波斯海灣。及阿拉伯大漠。故南道於此盡。

國最早車船行旁國所不待言自其東境至國都當經過木

鹿

即今黑

亞利安

即今黑

富拉

即今非

諸名城合之各小城自

不下數十焉時大月氏境跨阿母河南北故東面均與相接

辨亞細亞即安息之誤

近見侯官嚴又陵復謂亞細亞即安息其說非是按亞細亞

之名本於亞西里亞亞西里亞立國最古當在中國唐虞以

前至周始爲美地亞所併未幾波斯古烈王起又併美地亞

及巴比倫兼攻服地中海北黑海南之呂底亞以其地與亞

西里亞相接遂號爲小亞細里亞此亞西亞小亞細亞稱名

之所自西人載籍歷歷可徵至於安息乃漢時後起之國本

名巴提亞此國之王世世以亞賽西爲名謂之亞賽西朝或

遣使至安息王令將將二萬騎迎於東界東界去王都數千里行比至過數十城人民相屬因發使隨漢使者來觀漢地以大鳥卵及犁靬眩人獻於漢天子大悅安息東則大月氏

安息本古波斯地波斯爲馬基頓所滅未幾各地分裂有阿

賽西者於西前元二百五十年秦孝文王元年起兵據波斯中境巴

提亞省自立爲巴提亞國一作巴地耳一作帕而特一作巴爾的一作帕德利亞其王

世世以阿賽西第幾爲號漢人誤王名爲國名稱爲安息安

息者阿賽西轉音也番兜城西書稱帕而杜瓦蓋卽巴提轉

音帕爾杜合音卽今波斯呼拉商省巴治斯坦城其國北與

基窪地接基窪卽康居境烏弋山離當在其東南條支當在

其西南東北至阿母河阿母河古稱嫪水國人善經商至中

單于攻破月氏而老上單于殺月氏以其頭爲飲器月氏乃遠

去過大宛西擊大夏而臣之都嫪水北爲王庭其餘小衆不能

去者保南山羌號小月氏

小月氏見後漢書西羌傳末

大夏本無大君長城

邑往往置小君長民弱畏戰故月氏徙來皆臣畜之其稟漢使

者有五翎侯一曰休密翎侯治和墨城去都護二千八百四十

一里二曰雙靡翎侯治雙靡城去都護三千七百四十一里三

曰貴霜翎侯治護澡城去都護五千九百四十里四曰胘頓翎

侯治薄茅城去都護五千九百六十二里五曰高附翎侯治高

附城去都護六千四十一里凡五翎侯屬大月氏

大月氏自中國邊界徙居西域一時強盛無敵其國東起後

阿賴山西至阿母河又跨河而南兼有今布哈爾及阿富汗

作阿薩。又作阿息。華書遂轉爲安息。安息者亞賽西合音也。其實西史並無此國名。西史旣無安息。歐人豈有推廣其名以稱全洲之理。又攷亞西里亞在底格里河與幼法拉河中閒。今土耳其東部所謂美索波達米者是。巴提阿在今波斯國東境呼拉商給爾滿等處。二地遠不相涉。且安息盛時西境僅至地中海。從未轄及小亞細亞。若謂亞細亞卽安息轉音。彼小亞細亞之稱何自來乎。

大月氏國治監氏城。去長安萬一千六百里。不屬都護。戶十萬。口四十萬。勝兵十萬人。東至都護治所四千七百四十里。西至安息四十九日行。南與罽賓接。大月氏本行國也。隨畜移徙。與匈奴同俗。控弦十餘萬。故強輕匈奴。本居敦煌祁連閒。至冒頓

辟莫孫西人居山谷間以地望準之當卽今卡什東山中雅
克巴的地按新唐書史國或曰羯霜那鐵門山在其境內何
國或曰屈霜你迦曰貴霜匿按羯霜那屈霜你迦貴霜匿實
核之均卽漢之貴霜至唐乃分爲史何二國耳魏書謂皆康
居後誤甚有改若肸頓則在貴霜之南所治薄茅城魏書稱
爲弗敵沙云在鉗敦西西當作南人居山谷間以地望準之當卽
今阿母河南薩爾達巴地薩達巴與弗敵沙音合又南爲高
附魏書稱閭浮謁在弗敵沙南人居山谷間高附卽喀布爾
合音一作甲布瀛寰志略謂甲布卽布哈爾誤也

大夏國攷

大夏者太古以來名國也漢書律歷志黃帝使伶倫至大夏

翎即翕字

北境並蔥嶺山中諸小部地。以媯水北爲王庭。所謂監氏城。史記作藍市。卽大夏故都。今布哈爾城也。月氏餘衆不能去者。保南山羌。號小月氏。攷月氏本居祁連山北之昭武城。卽今甘州府高臺縣地。南山卽祁連山。山中乃羌人所居。故曰南山羌。大夏舊時各城有小君長。及臣大月氏。大月氏亦因其制。分遣翎侯鎮撫其地。五翎侯中休密爲最東。去無雷不及四百里。無雷傳西與大月氏接。卽休密侯境也。所治和墨城。魏書稱爲伽倍。云在莎車西。人居山谷間。診其地望。當在今後阿賴山南大喀喇庫爾相近地。其西爲雙靡。雙靡城。魏書稱爲折辭莫孫。云在伽倍西。人居山谷間。診其地望。當卽今魯善部。又西爲貴霜。所治護澡城。魏書稱爲鉗敦。云在折

享國之長後世鮮有。至敗克缺拉乃後大夏王以地名爲國名。希臘史作巴格德利亞。印度史作拔克利安。四裔年表作巴特里。萬國通鑑作巴克提阿。蓋西人不知古有大夏國名。因以漢時立國其地之巴格德利亞名名之。中國史記漢書又不知此國已易名巴格德利亞。而仍以古大夏國名名之。然中西史文雖有不同。而巴格德利亞地卽古大夏國地。固毫無疑義也。後大夏國自體我朵都。一作地倭度忒司於前二百五十六年。周赧王五十九年據土蘭以自立。土蘭者鹹海南地總名以古有土蘭王立國於此也越六年遂與巴提耳。卽安息相繼建國。都阿母河南波爾克城。未幾徙河北之藍市城。後爲大月氏都其時國境西接安息東抵葱嶺南鄰烏弋山離北濱雜拉敷散河實有今布哈爾阿富汗

西崑崙之陰取嶰谷之竹以爲簫賈誼新書亦言帝堯教化訓及大夏渠搜而山海經則言白玉山在大夏東嗣是伊尹所作獻令及周書王會篇皆載其國名自後中國史書遂少概見徵之各國譯著始悉其本末如學部所印波斯志英人著

云此國之興在西元前二千四百餘年中國黃帝時代與米塔侵入

巴比侖同時國地跨疇克蘇河即阿母河其東土且出伊蘭高原

外疆域非小文化亦有可觀所謂敗克缺拉帝國也又萬國

史綱目日本編云西元前一千年周穆王二年大夏人瑣羅斯的始

倡新教大旨謂人之死生禍福皆正邪二神主之人當祈正神修善行爲要云云又言前六百三

十五年周襄王十九年馬太王法拉屋的征服大夏知大夏立國在

黃帝前歷唐虞夏商至東周襄王時始亡凡一千八百百年

百六十四英里。南去堪達哈爾二百三十六英里。爲軍事上
要地。自巴格德利亞南遷濮達後。歷百餘歲。西漢末哀帝初
年。值大月氏別部之貴霜王。兵力驟強。南侵安息。取高附。進
滅濮達。復乘勝東渡印度河。席捲巴格德利亞所立之屬賓
屬部。於是後大夏國亦亡。

康居國王冬治樂越匿地。到卑闐城。去長安萬二千三百里。不
屬都護。至樂越匿地。馬行七日。至王夏所居番內。九千一百四
里。戶十二萬。口六十萬。勝兵十二萬人。東至都護治所五千五
百五十里。與大月氏同俗。東羈事匈奴。宣帝時。匈奴五單于並
爭。漢立呼韓邪。而郅支怨望。殺漢使。西阻康居。後甘延壽陳湯
發兵至康居。誅滅之。至成帝時。康居遣子侍漢。貢獻。然自以絕

兩國全地

攷唐書吐火羅傳言居蔥嶺西古大夏國南北千餘里東西三千餘里東扼蔥嶺西接波斯南大雪

山北據鐵門縛芻大河中境西流此蓋指古大夏原境若後大夏則南北兩界多有展拓屢與西里亞巴

地耳相戰爭互有勝負及漢文帝前元十二年又征服地米

特人取北印度本齋地爲屬部

地米特卽塞米的人漢書稱爲塞種初地米特人於漢高

帝元年在本齋地立國至是降於巴格德利漢書但紀其南君屬賓而轉爲大夏征服則未之及也此皆後大

夏盛時事也迨武帝建元三年爲西里亞所敗其王被擒并

奪其數省地國勢大衰及元光五年大月氏自東北來五六

年間阿母河北境盡失未幾遂爲安息所滅惟一王族尙保

土蘭南界波達細亞地自立爲國卽前烏弋山離傳所云北

與撲桃接者是已後漢書作濮達魏書作薄羅音之轉也今

爲阿富汗西南菲拉哈城阿富汗志作法拉云北去格喇特

盧列阿塔城南下大宛傳言北至康居卑闐城千五百十里

與此地道里恰合

盧列阿塔城一作奧利阿塔一作傲利耶達卽元時訛提拉爾然其國雖

有都城王不常居惟冬往樂越匿時一至其地

按徐松氏漢書西域傳補

注康居都卑闐城其王冬夏皆不居之猶今哈薩克部以塔什干爲都會其汗王冬夏各有游牧之所惟死則反葬於塔什干也哈薩克部卽古康居此條證漢時康居情形甚的確

卑闐城去長安萬二千餘里

若由此城再至樂越匿須馬行七日約近千里若由長安至

其王夏居番內地則九千餘里夏居地去長安轉近二千餘

里者以夏居在東北與中國邊界連接故近冬居在西南去

中國遠也何氏秋濤謂冬居與夏居相去九千餘里因以夏

居番內地謂在今俄國墨斯科省實臆斷無據之談如所言

則其王奔走南北每年須行萬八千餘里有是理乎奄蔡國

遠獨驕慢不肯與諸國相望都護郭舜數上言宜歸其侍子絕勿復使以章漢家不通無禮之國漢爲其新通重致遠人終羈縻而未絕其康居西北可二千里有奄蔡國控弦者十餘萬與康居同俗臨大澤無涯蓋北海云康居有小王五一曰蘇蠡王治蘇蠡城二曰附墨王治附墨城三曰窳匿王治窳匿城四曰罽王治罽城五曰奧鍵王治奧鍵城凡五王屬康居

康居爲西域游牧行國凡游牧者皆夏居北而冬居南俄屬游記言喀支司人春閒出覓水草自南而北夏日所駐地距冬幾二千里喀支司卽哈薩克實康居突厥之後是其俗至今未改卑闐城爲其國都築於都賴水上見甘延壽傳都賴水今名盧列阿塔河一名塔拉斯河卑闐城築於此河上當在今

無據之詞。獨奧鍵小王地。謂卽唐之火尋。頗爲昭合。新書言火尋。或曰貨利習彌。曰過利。居烏澹水陽。康居奧鍵城故地。按貨利習彌。元史太祖紀作玉龍傑赤。西北地附錄作花刺子謨。三史語解譯爲烏爾根齊。此城遺址尙存。在今基華國都城北三百二十中里。俄屬游記所謂苦尼亞爾真治者是。苦尼舊也。亞爾真治卽烏爾根齊。烏澹水今稱阿母河。以發源瓦罕部地。又名瓦罕河。烏澹乃瓦罕轉音。古時此河西流入裏海。正經奧鍵城北。貨利習彌王建都時。水北又築一城。遂夾河水於中云。

大宛國王治貴山城。去長安萬二千五百五十里。戶六萬。口三十萬。勝兵六萬人。東至都護治所四千三十一里。北至康居界。

洪侍郎鈞攷卽元之阿速地在黑海東北故臨大澤無涯去
康居二千餘里道路亦符康居本行國除卑闐外不聞有他
城因其後漸向南侵得鹹海東西城郭諸地遂分五小王居
之攷晉書康居於武帝時來朝言其國移都蘇薤至魏書則
康居改稱者舌夫康居遷都蘇薤後始稱者舌蓋以都名爲
國名也唐書石國或曰柘支曰柘折曰赭時者舌卽柘支柘
折赭時之轉音今爲塔什干城塔什譯言石干爲庫爾干省
文乃城寨之義質言之猶曰石城然則蘇薤小王所治卽唐
之石國今之塔什干無疑乃宋氏新唐書指石國爲窰匿史
國爲蘇薤謬矣雖窰匿附墨與屬今爲何地已無可攷然總
不出鹹海左右間若宋氏以何國當附墨安國當屬實臆斷

譯希臘史所謂索克地阿那國也。貴山城貳師城均當在浩罕南境。然其地今難確指。○又史記大宛傳載宛西小國有驩潛及大益。攷康居小王中有奧鍵一名火尋。驩潛爲奧鍵火尋之轉音。地詳前傳。大益指阿剌伯人。據洪氏西域補傳言。古時阿剌伯人游牧於西里亞者。西里亞人稱之曰大抑。大抑卽大益。此唐書大食國之名稱所由來也。

桃槐國王去長安萬一千八十里。戶七百。口五千。勝兵千人。

桃槐亦蔥嶺閒小部。因未載四至。不能確知所在。惟以道里計。與下一國皆自遠而近。必大宛東南有一閒道。歷桃槐等三國。可達疏勒莎車也。以是論之。桃槐當在後阿賴山北。距大宛國不甚遠。

闐城千五百一十里西南至大月氏六百九十里北與康居南與大月氏接宛別邑七十餘城多善馬馬汗血言其先天馬子也自宛以西至安息國雖頗異言然大同自相知曉也

大宛國北魏號破洛那唐號東曹唐書言東曹或曰率都沙

那蘇對沙那卻布咀那蘇都識匿凡四名居波悉山之陰

山即阿賴山漢貳師城也前書李廣利傳貳師城取善馬故號貳師將軍今攷其地在

伊犁西南喀什噶爾西北故浩罕國南境近爲俄人所併改

設費爾干省地理新志作費爾加拉其地東南北三面環山

惟西有平路可通他部納林河橫貫其中西人地理志謂河

北高坡地皆名費爾加拉河南高坡地皆名蘇的亞納

作沙西阿那俄屬唐書率都沙那等四名皆蘇的亞納之異

游記作峻西安那

巔一在慈嶺平原以西圖覈之當在喀什噶爾至雷罕道間

休循爲蘇約克山口地捐毒爲察提爾湖

西域水道記作圖古爾克託海邊

地今額德格訥布魯特駐牧處也故西北至大宛東南至疏

勒南與慈嶺相連屬山高氣寒故無人民北與烏孫相去雖

遠而有徑道可通故云相接攷松筠公綏服紀略伊犁西南

經布魯特游牧至喀什噶爾約二千里中有特穆爾圖泊巴

爾渾山

西圖作巴爾溫斯科山

帖哩葉克達巴罕

西圖作帖里克提山口

捐毒卽

在巴爾渾西帖哩葉克北惟烏孫在其東北不在正北因古

無實測圖方位不盡可憑

莎車國王治莎車城去長安九千九百五十里戶二千三百三

十九口萬六千三百七十三勝兵三千四十九人東北至都護

休循國王治飛鳥谷

原作國誤

在蔥嶺西去長安萬二百一十里戶

三百五十八口千三十勝兵四百八十人東至都護治所三千

一百二十一里至捐毒衍敦谷二百六十里西至大月氏千六

百一十里民俗類鳥孫因畜隨水草本故塞種也

捐毒國王治衍敦谷去長安九千八百六十里戶三百八十口

千一百勝兵五百人東至都護治所二千八百六十一里至疏

勒

句首當脫東南字

南與蔥嶺屬無人民西上蔥嶺則休循也西北至

大宛千三十里北與鳥孫接衣服類鳥孫隨水草依蔥嶺本塞

種也

休循捐毒二傳敘次甚爲明析以俗皆游牧故第云王治某

谷不言有城

後言谷者準此

兩國相距祇二百餘里蓋一在蔥嶺山

疏勒卽今喀什噶爾。前言莎車西至疏勒。此言南至莎車。蓋互文見義。知疏勒實在莎車西北也。諸國方向似此者多。當善會之。有市列者。山外諸國皆至此互市。至今猶然。

尉頭國王治尉頭谷。去長安八千六百五十里。戶三百口二千

三百。勝兵八百人。東至都護治所千四百四十一里。當云西南南與

疏勒接。山道不通。西至捐毒千三百一十四里。徑道馬行二日。

田畜隨水草。衣服類烏孫。原本西域傳上

尉頭卽今烏什。疏勒在其西南。山道不通者。爲別留提山。卽額

爾濟巴所隔。西漢時路尙未闢也。捐毒在其正西。可溯塔烏

什堪河而至其境。惟山路迂曲。故須千三百餘里。若以徑直之鳥道計。馬行二日可矣。此蓋約略之詞。宜善會之。田畜隨

治所四千七百四十六里。西至疏勒五百六十里。西南至蒲犁七百四十里。有鐵山出青玉。

莎車卽今葉爾羌。攷會典駟道由西安至此。恰九千九百五十里。蓋其道先至喀什噶爾。再至葉爾羌。與漢時相同。別有一道由阿克蘇徑至葉爾羌。約近四百里。至由此至喀什噶爾。駟道亦不相懸。蒲犁地據西域水道記在葉爾羌西南八百里。

疏勒國王治疏勒城。去長安九千三百五十里。戶千五百一十口。萬八千六百四十七。勝兵二千人。東至都護治所二千二百一十里。南至莎車五百六十里。有市列。西當大月氏大宛康居

道也。

封中以江都王女細君妻焉。昆莫死，孫岑陁立，仍尙公主。岑陁官號也。名軍須靡。昆莫主號也。名獵驕靡。後書昆彌云。

師古注昆取昆

莫彌取獵驕靡彌卽靡也。余按昆莫昆彌乃譯音之轉，非有他意。班氏不知，故從而爲之辭。

公主卒，復以楚

戊王孫解憂妻岑陁。岑陁死，立翁歸靡，號肥王。復尙楚主。宣帝初，公主昆彌上書，言匈奴連發大兵，侵取車延、惡師地，收人民去。又使使脅求公主，願發國半精兵，盡力擊匈奴。惟天子出兵以救公主。漢發大兵十五萬騎，五將軍分道並出，遣校尉常惠持節護烏孫兵五萬從西方入。至右谷蠡王庭，獲名王以下四萬級，馬牛七十萬。是歲本始三年也。翁歸靡死，立岑陁子泥靡，號狂王。復尙楚主，生一子，不與公主和。公主謀誅狂王，不果。會肥王胡婦子烏就屠襲殺狂王而自立。漢出兵往討，初楚主侍

水草言俗兼農牧焉。

烏孫國大昆彌治赤谷城去長安八千九百里戶十二萬口六十三萬勝兵十八萬八千八百人東至當云東南都護治所千七百二十一里西至康居番內地五千里地莽平多雨寒山多松櫟不田作種樹隨畜逐水草與匈奴同俗國多馬富人至四五千匹民剛惡貪狠無信多寇盜最爲強國故服匈奴後盛大取羈屬不肯往朝會東與匈奴西北與康居西與大宛南與城郭諸國相接本塞種也大月氏西破走塞王塞王南越縣度大月氏居其地後烏孫昆莫擊破大月氏大月氏西徙臣大夏而烏孫昆莫居之故烏孫民有塞種大月氏種云始張騫言烏孫雖强大可厚賂招武帝卽位令騫使烏孫烏孫昆莫因請尙公主元

又五十里。當卽今沙圖阿滿台地。水經注溫宿城北至烏孫赤谷六百一十里。今自阿克蘇至沙圖阿滿台六百七十里。道里亦相仿。赤山與赤谷同義。此烏孫都城之確有可徵者。本書甘延壽傳鄧支侵陵烏孫大宛。如得二國。北擊伊列云。伊列卽伊犁。可知當時別自爲國。不在烏孫轄境之內。是烏孫北界之確有可徵者。傳又云涉康居界至闐池西。闐池卽特穆爾圖泊。先涉康居界至闐池西。可知兩國接壤處在此泊東邊。是烏孫西界之確有可徵者。至於凌山以南皆溫宿姑墨國地。是烏孫之南必以木素爾嶺爲界矣。夫本朝之平準噶爾也。西路大軍實由烏魯木齊西額林哈畢爾罕入。準語額林人也。哈畢爾罕助也。謂山形如人助。漢時烏孫東

者馮嫪能史書習事。嘗持漢節爲公主使。行賞城郭諸國。咸敬信之。號曰馮夫人。爲烏孫右大將妻。右大將與烏就屠相愛。都護鄭吉使馮夫人說烏就屠降之。宣帝徵馮夫人問狀。遣謁者竺次期門甘延壽送馮夫人。馮夫人錦車持節詔焉。乃立元貴靡爲大昆彌。烏就屠爲小昆彌。又分別其人民地界。大昆彌戶六萬餘。小昆彌四萬餘。自後兩昆彌每互相刺殺。遂俱弱。自烏孫分立。漢用憂勞無寧歲。

烏孫地在今伊犁河南特克斯河濱。前人謂卽伊犁未確也。唐地理志溫肅州西北度拔達嶺。又五十里至頓多城。烏孫所治赤山城也。拔達嶺唐西域傳又作凌山。卽今木素爾達巴罕。木素爾譯言冰。達巴罕譯言嶺。冰嶺猶凌山也。過此嶺

師二地未詳意度之必烏孫北界與匈奴鄰近處似在今精河一帶右谷蠡王庭攷匈奴傳蒲類將軍當與烏孫合擊匈奴蒲類澤烏孫先期至知右谷蠡所居必在巴里坤湖東北札薩克圖汗部境

姑墨國王治南城去長安八千一百五十里戶三千五百口二萬四千五百勝兵四千五百人東至都護治所千二百二十里南至于闐馬行十五日北與烏孫接出銅鐵雌黃東通龜茲六百七十里王莽時姑墨王丞殺溫宿王并其國

姑墨魏書作姑默唐書作跋祿迦在今拜城縣地水經注言北河又東逕姑墨國南姑墨川水注之姑墨川唐稱撥換河卽今阿爾巴特河也河東有哈喇格勒衮軍台西域水道記

通車師前部以達於漢亦必當由此路則額林哈畢爾罕又天然東面之界限焉本境旣明如匈奴之在東北康居之在西北城郭諸國之在南愈了然矣烏孫國境雖居四山之中然伊犁河南特克斯空格斯河濱不少坦夷之地故曰莽平以四面皆山故多雨而氣寒沿河之地本肥沃可種植因俗皆游牧故隨畜逐水草以多馬爲富也西域聞見錄謂準噶爾人兇獍頑獷以刦奪爲能不能作賊者不齒於人數一人能刦數人者謂之好男子則此傳所云其民剛惡貪狠無信多寇盜其風俗固數千年未嘗改矣塞種西書作西米特提民族凡葱嶺西北阿母河濱以及伊犁附近均此族所居塞卽西之轉音四裔年表米納人地米特人卽指塞種車延惡

龜茲國王治延城去長安七千四百八十里戶六千九百七十口八萬一千三百一十七勝兵二萬一千七十六人南與精絕東南與且末西南與扞彌北與烏孫西與姑墨接能冶鑄有鉛東至都護治所烏壘城三百五十里

龜茲唐書作邱茲一作屈茲西域記作屈支卽今庫車地所治延城後漢班超傳注作居延城故址在今庫車東南其地水源輻輳土田膏腴村莊櫛比故漢時戶口之衆迥非屬都護諸國所能並衡南與精絕西南與扞彌中隔大漠雖相接而道不能通東南與且末本隔渠犂因時渠犂已滅故可直接北接烏孫者由庫克納克嶺有閒道可達也

烏壘戶一百一十口千二百勝兵三百人與都護同治其南三

謂卽古姑墨國。是所治之南城在此。南至于闐馬行十五日。蓋溯和闐河西岸行。所經多沙漠。不能詳其里數。但以馬行計之。北接烏孫者。溯和色爾河由阿勒坦呼蘇山有閒道可通也。

溫宿國王治溫宿城。去長安八千三百五十里。戶二千二百口。八千四百。勝兵千五百人。東至都護治所二千三百八十里。西至尉頭三百里。北至烏孫赤谷六百一十里。東通姑墨二百七十里。

溫宿今阿克蘇地。西至烏什今二百四十里。北踰木素爾嶺至沙滿台地。今六百七十里。東至哈喇裕勒衮台。今一百六十里。

水草有溉田五千頃。土處溫和田美。可益通溝渠。種五穀。與中國同時熟。其旁國少錐刀。貴黃金綵繒。可以易穀食。宜給足。不可乏。臣謂可遣屯田卒詣故輪臺。置校尉三人分護。田一歲有積穀。募民壯健詣田。所益墾溉田。稍築列亭連城。而西。呂威西國輔烏孫。上迺下詔。深陳既往之悔。由是不復出軍。初貳師將軍李廣利擊大宛。還過扞彌。將其太子賴丹至京師。昭帝以賴丹爲校尉將軍。田輪臺。輪臺與渠犂地皆相連也。賴丹爲龜茲所殺。漢未能征。會長羅侯常惠使烏孫還。便宜發諸國兵五萬人攻龜茲。斬其王。時烏孫公主女來京。過龜茲。龜茲前遣使至烏孫。求公主女。未還。遂留女不遣。使使報公主主許之。後公主上書。願令女比宗室入朝。而龜茲王絳賓亦愛其夫人。元康元

百三十里至渠犂

烏壘下據水經注當有城字此城爲漢都護所治當在庫爾

勒即渠犂西策特爾台地今自庫爾勒西北至策特爾台正三

百三十里漢屯田處皆在布古爾東至庫爾勒一帶游牧記

謂漢輪臺在玉古爾即布古爾是矣近有日本僧著新疆探險記刊登日報云策特爾附近有

烏壘國古城次日至輪臺地其南五十餘里有古輪臺城東西約三十米突南北約四十五米突

渠犂城戶百三十口千四百八十勝兵百五十人東北與尉犂

東南與且末南與精絕接西有河至龜茲五百八十里自武帝

初通西域置校尉屯田渠犂是時軍旅連出師行三十二年海

內虛耗正和中貳師將軍李廣利降匈奴上旣悔遠征伐而按

粟都尉桑宏羊等奏言故輪臺以東捷枝渠犂皆故國地廣饒

西出沙山鐵谷關西南流又屈而南而西逕渠犂國治按此
西海指博斯騰泊焉耆水指由泊重出之下開都河沙山鐵
谷關在今焉耆府西南兩山對峙成峽河流其中北峽口名
大石嶺卽鐵谷關一作鐵門南口爲晉書遮留谷出此至庫
爾勒城是渠犂之卽庫爾勒固無疑矣且末恰在東南若南
與精絕分界處當在大漠中雖相接而路不能通須繞由且
末往西有河至龜茲卽塔里木河今由庫勒爾驛路西至庫
車實八百里若溯塔里木河行更不止此語當有誤李廣
利擊大宛還過扞彌者攷貳師再征大宛先屠輪臺其還乃
過扞彌是其出師之道當經鄯善焉耆龜茲溫宿再由尉頭
西北溯畢底爾河越喀拉喀音山又踰蘇約克山口以至今

年遂來朝賀王及夫人皆賜印綬夫人號公主留一年厚贈送之後數來朝賀漢遇之亦甚親密東通尉犁六百五十里

渠犂本國名武帝紀天漢二年渠犂六國來獻可徵茲但言城者因李廣利初征大宛不肯給軍食二次出兵時遂滅之不復立王故桑宏羊言捷枝渠犂皆故國也惟輪臺之屠廣利傳明載之不及捷枝渠犂者以輪臺概之耳捷枝卽古析支國禹貢與崑崙渠搜並貢織皮今按崑崙在和闐南渠搜穆天子傳作巨蒐其地當在喀喇沙爾境

見穆傳攷證

捷枝處輪

臺東當在洋薩爾附近三者皆隸今新疆南路禹時雍州西境也隋書以鑠汗爲渠搜唐書以黨項羌爲析支一過遠一過近均不確渠犂國攷水經注焉耆之水自西海逕尉犁國

危須國王治危須城去長安七千二百九十里戶七百口四千九百勝兵二千人西至都護治所五百里至焉耆百里

危須地當在博斯騰泊北今烏沙克塔爾台地攷水經注薨敦之水二源俱導西源東流東源東南流俱逕焉耆之東導於危須國西又東南流注於薨敦之藪觀此可知危須國地在焉耆之東中隔裕勒都斯河也薨敦藪卽博斯騰泊焉耆西至都護四百里此云五百里則危須在焉耆東百里也焉耆國王治員渠城去長安七千三百里戶四千口三萬二千一百勝兵六千人西南至都護治所四百里南至尉犁百里北與烏孫接近海水多魚

焉耆卽喀喇沙爾地員渠城後書作南河城水經注城居四

俄屬費爾干省地其歸當循霍罕鄂什至喀什噶爾之道以抵疏勒歷莎車于闐以至扞彌也然則出由北道還由南道顯然可見余前攷漢之南道自羅布泊西南歷車爾成克勒底雅以至和闐者得一確證矣不然扞彌地處偏僻貳師還軍何必經過此國乎

又後書于闐傳言長史趙平病死于闐其子迎喪道經拘彌赴于闐先至拘彌

亦出南道之一證

尉犁國王治尉犁城去長安六千七百五十里戶千二百口九千六百勝兵二千人西至都護治所三百里南與鄯善且末接尉犁國新疆識略謂卽庫爾勒非是庫爾勒乃漢渠犂尉犁尙在東北繹水經注知尉犁城當在博斯騰泊西南下開都河東岸惟古城遺址今已無存耳且末鄯善俱當在其東南

護治所于二百八十七里。

卑陸後國王治番渠類谷去長安八千七百一十里。戶四百六十二口。千一百三十七。勝兵三百五十人。東與郁立師北與匈奴。西與刼國南與車師接。

郁立師國王治內咄谷去長安八千八百三十里。戶百九十口。千四百四十五。勝兵三百三十二人。東與車師後城長。西與卑陸北與匈奴接。

單桓國王治單桓城去長安八千八百七十里。戶三千七百九十四。勝兵四百十五人。

上五國皆游牧小部。依棲山谷。城郭寥寥。故不能確指其遺迹所在。但就其方向道里計之。則烏貪訾離最西。以意測之。

水之中是其城當在今喀喇沙爾東南開都河入博斯騰泊處古時開都河分兩支入泊見水經注故員渠城在水中閒後書

班超傳言其國有葦橋之險必卽開都河之橋唐郭孝恪傳

言焉耆城四面皆水恃險不設備亦足證也國濱大泊故多

魚北史言南去海十餘里多魚鹽蒲葦之饒可證尉犁在其西南烏孫在其西北蓋

溯開都河踰嶺而西可通伊犁南境卽烏孫國矣徐松氏言

泊之西岸有故城雉堞猶存周九里許殆卽員渠城乎

烏貪訾離國王治于婁谷去長安萬三百三十里戶四十一口

二百三十一勝兵五十七人東與單桓南與且彌西與烏孫接

卑陸國王治天山東乾當谷谷原作國誤去長安八千六百八十里

戶二百六十七口千三百八十七勝兵四百三十二人南至都

二十五口二千三十三勝兵七百九十九人

蒲類後國王去長安八千六百三十里戶百口千七十勝兵三百三十四人

西且彌國王治天山東天大谷去長安八千六百七十里戶三百三十二口千九百二十六勝兵七百三十八人西南至都護治所千四百八十七里

東且彌國王治天山東兌虛谷去長安八千二百五十里戶百九十一口千九百四十八勝兵五百七十二人西南至都護治所千五百八十七里

刼國王治天山東丹渠谷去長安八千五百七十里戶九十九口五百勝兵百一十五人西南至都護治所千四百八十七里

當在今小裕勒都斯河地。故去長安較焉耆甚遠。西可與烏孫相接。惟且彌國當在博克達山北。不應烏貪訾離南與相接。知且彌爲且末之訛。此部戶口極少。故後移東蒲類降衆千七百人以處之。因其地饒水草。且居四山中。可避匈奴侵掠也。游牧記謂烏貪訾離在今阜康縣地。臆說無據。由烏貪訾離東千四百六十里爲單桓國。當在今阿爾渾河濱。再東北爲卑陸二國。均當在今迪化府境。攷卑陸南去都護治千二百八十七里。當在今昌吉縣地。其後部相距僅三十里。當在今羅克倫河濱。其東爲郁立師。當在今古牧地境。故東與後城長西與卑陸北與匈奴相接。

蒲類國王治天山西疏榆谷。去長安八千三百六十里。戶三百

部相聯絡山卽天山今博克達山也

狐胡國王治車師柳谷去長安八千二百里戶五十五口二百六十四勝兵四十五人西至都護治所千一百四十七里至焉耆七百七十里

狐胡後書及御覽皆作孤胡柳谷卽後漢書長史所居柳中地唐置柳中縣明史西域傳柳中縣一名魯城其地在車師前部之東卽今之魯克沁無疑今驛道自魯克沁至喀喇沙爾一千二十里

山國王去長安七千一百七十里戶四百五十口五千勝兵千人西至尉犁二百四十里西北至焉耆百六十里西至危須二百六十里東南與鄯善且末接山出鐵民山居寄田羅穀於焉

上五國亦游牧小部。本傳敘云。分姑師爲車師前後王。及山北六國。山北六國。徐松氏補注。謂蒲類前後。且彌東西。及卑陸前後。余詳攷之。卑陸之東。尙有郁立師國。其西尙有刼國。何獨於中摘取二國。以入六國之數。不確可知。蓋山北六國。指且彌東西。卑陸前後。及郁立師與刼也。無蒲類者。後漢書明言蒲類本大國。前漢西域屬匈奴。故不之及。按蒲類澤名。今巴爾庫里湖。一作巴里坤湖。蒲類前後部。當在湖之南北。前國傍南山。故所治在谷中。後國在平野間。故不言谷。且彌二國。當在濟木薩城左右。且彌西。卽車師後王國。爲今烏爾圖河地。攷見下。再西爲卑陸二國。當在今迪化府地。再西爲刼國。其地當在迪化府西昌吉縣境。蓋山北六國。皆與車師後

湖有故城周七里卽古交河城

車師後國王治務塗谷去長安八千九百五十里戶五百九十五口四千七百七十四勝兵千八百九十人西南至都護治所千二百三十七里

車師後國在今烏魯木齊東後漢書言自高昌壁北通金滿城五百里高昌壁卽前部金滿城卽後部惟前漢時後王所治尙在山谷閒未築城也至唐始有浮屠城蓋卽以務塗谷得名新唐書貞觀十四年卽浮屠城置庭州知唐庭州卽漢車師後王務塗谷地其地在今阜康縣東二百里烏爾圖河濱烏圖者浮屠務塗之轉音也從前攷據家因濟木薩北護堡子地土人掘地得唐時殘碑二小片中有攝金滿縣令字

耆危須

山國一名墨山國。水經注河水又東逕墨山國南是也。此國當在博斯騰泊南呼爾圖克達山閒。故尉犁在其西。焉耆在其西北。而危須則當在其正北。云西者誤也。國界博斯騰羅布兩泊之中。故南接且末。東南接鄯善。民既山居。不能種植。所以寄田糴穀於鄰國耳。

車師前國王治交河城。河水分流繞城下。故號交河。去長安八千一百五十里。戶七百口。六千五百。勝兵千八百六十五人。西南至都護治所千八百里。至焉耆八百三十五里。

車師前國卽今土爾番地。唐置交河縣。唐地理志交河縣有交河水。源出縣北天山。徐氏補注。今廣安城西二十里雅兒

曾欲開以省道里半。避白龍堆之阨。車師後王姑句心勿便也。地又與匈奴接。曾欲分明其界。召姑句證之。不肯。繫之。姑句卽馳突出高昌壁入匈奴。值王莽篡位。易匈奴單于璽。匈奴怒。恨遂侵車師。時戊己校尉刁護病。命史陳良屯桓且谷備匈奴。良等因畔殺都護。脅略吏士男女二千餘人入匈奴。天鳳三年。武威將王駿又爲焉耆所誘殺。都護李崇還保龜茲。數年莽死。西域遂絕。西域最凡國五十。佩漢印綬者三百七十六人。而康居大月氏安息罽賓烏弋之屬。皆以絕遠不在數中。

原本西域傳下

車師都尉及後城長均不載方向地至。然觀上文郁立師傳言東與後城長接。知此二部必在車師後王庭西。今阜康縣地。五舩北新道通玉門關。蓋卽今出嘉峪關經安西北抵哈

遽謂漢金滿城唐金滿縣在此殊誤余別有辨論附後

車師都尉國戶四十口三百三十三勝兵八十四人

車師後城長國戶百五十四口五百六十勝兵二百六十人武帝天漢二年始遣匈奴降者開陵侯擊車師以匈奴救不利征和四年復以開陵侯將六國兵圍之車師降服昭帝時匈奴使四千騎田車師宣帝卽位遣五將軍擊匈奴田者驚去車師復通漢後復畔地節二年遣侍郎鄭吉校尉司馬熹攻車師交河城破之時王在其北石城未得秋復攻石城車師因降於是始別田車師會匈奴來爭乃立故車師太子軍宿爲王盡徙國民居渠犂以故地予匈奴其後戊己校尉屯田車師故地元始中車師後王國有新道出五船通玉門關往來差近戊己校尉徐

部金滿城語。唐書貞觀十四年。卽浮屠城置庭州。立金滿輪
臺二縣。嗣改北庭都護府治庭州金滿縣。按浮屠卽務塗轉
音。知唐庭州卽漢務塗谷地。迨元初改稱別失八里。歐陽元
高昌偁氏傳言北庭者。今別失八里城。知別失八里卽唐北
庭都護府。亦卽漢車師後王建庭處也。是三者名雖異而地
則同。自徐松氏著西域水道記。言其地在今濟木薩北二十
里護堡子。爾後攷據家翕然從之。幾無異辭。余則以爲誤也。
蓋徐氏之持此說。以當時護堡子居人掘地得唐碑中有金
滿縣字故。但查此唐碑祇殘石二片。高各八寸許。文字泐缺。
不能明其立碑之故。雖有攝金滿縣令五字相連。而尋其文
意。與別行戶曹參軍果毅都尉昭武校尉等一例。其爲題名

密道也。徐氏補注言今小南道有小山五，長各半里許，頂上平而首尾截立，或謂是五舩。小南道在安西州大道東，白龍堆在鄯善北。西圖稱庫穆塔格戈壁，攷後漢書出玉門陽關涉鄯善北通伊吾千餘里，自高昌壁北通車師後部千二百里。伊吾卽今哈密，知前時赴伊吾必西經鄯善，再北越白龍堆戈壁而始至。若東道開，則其險可避矣。車師北石城卽今嘉德城，又名噶遜營，俗稱達版城，達版嶺也。城在山嶺間，爲其國險要處。

漢車師後部唐北庭都護府元別失八里均在今新疆阜康縣東烏爾圖河地攷

兩漢書車師後部傳皆言居務塗谷，後書西域傳敘始有後

爲彰八里。又西爲古塔巴。又西爲仰吉八里。今定仰吉八里在瑪納斯河東。古塔巴卽呼圖壁。則彰八里自當在昌吉縣境。邱氏西游記由驚思馬大城西行四日宿輪臺縣。又四日至昌八刺。今烏魯木齊迪化府距昌吉僅九十里。縱安車徐行。斷無需八日之程。是別失八里當在烏魯木齊以東可知。查今阜康縣所屬三台塘。其西四十里有烏爾圖河。蒙古語烏爾圖也。長西圖作庫列圖川。烏圖庫圖爲務塗浮屠之轉音。此水從博克達山北面流出。近山處則爲谷。知漢時務塗谷。唐時浮屠城。均當在此河濱。然則別失八里亦豈能舍此他求乎。計自此河西至阜康二百里。自阜康再西經迪化以至昌吉一百八十里。緩行各四日程。亦不相遠。

元太祖召邱眞火台使者扶持緩緩而來。見西

上繫銜確鑿無疑。此外更無地卽金滿縣實據。若因碑有金滿字。謂地卽金滿縣。則次行尙有姑臧府字。可云此卽姑臧府乎。推之巴里坤南山漢裴岑碑。幸而文全可讀。倘或斷裂。僅存敦煌太守字。將謂漢敦煌郡卽在巴里坤境耶。況護堡子又有造像碑。末行云鳩集合營造。上又有營主字。則護堡子地乃唐庭州所屬一營汛。而非金滿縣明矣。凡此不必他證。於徐書所載。取其矛以攻其盾。已足使徐氏無可置喙。雖然。護堡子固非金滿縣。而漢之車師後部。唐之庭州。元之別失八里。其地究在何處。一時尙難詳析。故拙著初印時。始取魏氏默深洪氏文卿之說。以烏魯木齊當之。迨近作經世大典圖攷證。以道里核之。始知其不確。如大典圖別失八里西

洪水山進力戰軍潰被擒至操八里遁還和州洪水山卽迪
化府城東之紅山口進軍蓋扼守於此戰敗被擒操八里卽
彰八里一作昌八刺和州今喀喇和卓在土魯番境進至昌
吉得脫南遁至此地勢正合以是觀之烏爾圖河爲漢車師
後部唐北庭都護府元別失八里地點之所在固信而有徵
矣

游記惟後漢書言高昌壁北通金滿城五百里高昌壁故地在

今土魯番東南百里北至迪化六百里而迪化至烏爾圖河
又近三百里情形似乎未合不知當日蓋別有一路越博克
達山脊而行宋王延德使高昌記可證記云高昌王邀延德
至北庭歷交河州凡六日至金嶺口又兩日至漢家砦當卽
達版城惟此後直上金嶺則爲越博克達山脊之路近人蕭
雄西疆雜述詩注博克達山頂有小海海南一峯純乎雪色
故曰有龍堂卽龍潭所謂小海也有積雪且過嶺一日便至北庭若由
今路達版城北旣無大嶺且過嶺至迪化尙一百八十餘里
又三百里方至烏爾圖河豈一日所能至乎至元史孝進傳
載至元八年命屯田西域別失八里三十二年海都等軍至

浙江圖書館叢書第一集

後漢書各外國

傳地理攷證

餘杭章箴
蕭山鄒九齡同校

後漢書東夷列傳地理攷證

仁和丁謙益甫氏學

夫餘國在元菟北千里南與高句驪東與挹婁西與鮮卑接北

有弱水地方二千里本穢地也初北夷橐

原誤索據三國志離在改正梁書作橐

國王出行其侍兒於後倭身王還欲殺之侍兒曰前見天上有

氣大如雞子來降我因呂有身王囚之後遂生男王令置於豕

牢豕呂氣噓之不死復徙於馬闌馬亦如之王呂爲神乃聽母

收養名曰東明東明長善射王忌其猛復欲殺之東明奔走南

至掩淲水呂弓擊水魚鼈皆聚浮水上東明乘之得度因至夫

餘而王之焉國於東夷之域最爲平敞土宜五穀出名馬赤玉

貂獬大珠其人粗大強勇而謹厚不爲盜鈔呂六畜名官有馬

中華民國四年浙
江圖書館校刊

今吉林農安縣地。遼志通州本扶餘王城是也。弱水今稱哈

湯。東三省樹木叢雜處曰烏稽。

古有沃沮勿吉等部。卽烏稽轉音。

烏稽之地。

必有哈湯。蓋落葉層積。雨水釀之。遂爲極深之泥淖。人行輒

陷。萬無生理。故曰弱水。非別有一河名弱水也。其著名者有

紅眼哈湯。黑龍江外紀。齊齊哈爾東北山中隔紅眼哈丹。

卽哈

湯。人不敢過。齊齊哈爾爲黑龍江省城。其東北正夫餘北境。

傳中弱水指此。初北夷有橐離國一段。實紀朝鮮高句驪開

國之事。自裴松之誤採魏略舊文。繫於扶餘傳末。而范氏遽

纂入正傳。誤而又誤矣。然其所以致誤。由不知至夫餘而王

之夫餘。乃城名。非國名也。攷夫餘在漢北境。至於弱水。安得

復有橐離國在於其北。況橐離卽高句驪合音。傳首明言南

加牛加狗加邑落皆其主屬行人無晝夜歌聲不絕用刑嚴急盜一責十二男女淫皆殺之尤治惡妬婦殺而尸於山建武二十五年遣使來貢厚答之於是使命交通安帝永初五年侵樂浪後復歸附永寧元年遣嗣子貢獻順帝永和元年其王來朝延熹四年遣使朝貢永康元年王夫台將二萬人寇元菟太守公孫域擊破之靈帝熹平閒復貢獻夫餘本屬元菟獻帝時求屬遼東

夫餘部地在今吉林以西凡長春府雙城五常賓州諸廳及伯都訥阿勒楚克等城皆是新唐書渤海傳以扶餘故地爲扶餘府遼史太祖平渤海次扶餘府有黃龍見城上更名黃龍府金史太祖克黃龍改濟州利涉軍貞祐初爲隆安府卽

麻布出赤玉好貂無君長邑落各有大人處山林閒氣極寒常
穴居曰深爲貴大家至接九梯好養豕食肉衣皮冬曰其膏塗
身禦寒氣夏裸袒曰尺布蔽前後其人穢不潔自漢以後臣屬
夫餘種衆雖少而多勇力又善射弓長四尺用楛矢長一尺八
寸青石爲鏃皆施毒人中卽死便乘船好寇盜鄰國畏之卒不
能服

挹婁古肅慎地肅慎周書王會篇作稷慎山海經大荒中小

不咸山

今小白山

有肅慎之國竹書紀年虞舜十五年息慎氏來

朝貢弓矢蓋三代以前東北徼外大國盡有今吉林省東諸
地唐地理志附錄賈耽所記渤海王城臨忽汗海其西南三
十里有古肅慎城攷此城在寧古塔西南八十五里上馬蓮

與高句驪接何得又指爲北夷今查東國通鑑

朝鮮史東藩紀要及新出

好大王碑所載略同

言太祖朱蒙

卽傳中東明

避害南行度掩淲水至卒本

夫餘沸流川上都焉國號高句驪按沸流國名卒本川在其境內故亦稱沸流川卒本夫餘猶言卒本川上之扶餘城與北方扶餘國毫不相涉此城遺址卽今朝鮮平安道成川郡中此段事須刪去移入後文高句驪傳方合掩淲水魏略作施掩水疑刊刻倒誤梁書作掩滯水當卽水經注馬訾水新唐書馬訾水出靺鞨長白山色若鴨淥號鴨淥江夫餘國地最平敞與今松花江左右情形甚合

挹婁古肅慎國也在夫餘東北千餘里東濱大海南與北沃沮接不知其北所極地多山險人形似夫餘而言語各異有五穀

其俗節飲食而好修宮室。東夷相傳曰爲扶餘別種。故言語多同。凡有五族曰消奴部、絕奴部、順奴部、灌奴部、桂婁部。本消奴部爲王。後稍微弱。桂婁部代之。其置官有相加對盧沛者。古鄒大加等九種。武帝滅朝鮮。呂高句驪爲縣。使屬元菟。其俗淫然。皆清潔自憙。好祭祀諸鬼神。無牢獄。有罪諸加評議。卽殺之。沒入妻子爲奴婢。人性凶急。有氣力。習戰鬪。沃沮、東濊皆屬焉。

高句驪立國最古。周書王會篇有東夷獫狁語。注東夷東北夷。高句驪也。此古高句驪見於簡冊之始。本傳所載地至方位。實古高句驪而非重立於朝鮮地之高句驪。但古高句驪武帝元封間已夷爲郡縣。作後漢書者不應列爲專傳。但當敘其事爲後高句驪之緣起。以後高句驪太祖朱蒙實古高

河畔遺址尙存。惟漢之挹婁雖爲古肅慎國舊境。而本部實在其西。攷唐書渤海傳言高麗滅大氏保挹婁之東牟山奧婁河。其地在吉林東南敦化縣境。奧婁爲挹婁之轉音。挹婁國名殆因此水。又言以故挹婁地爲定理安邊二府。此則奉天東南新設寬甸懷仁諸縣處。攷見唐書滿洲地誌謂挹婁爲肅慎之一部。極是。傳言挹婁在扶餘東北千餘里。按扶餘國都爲長春府之農安縣。核其方位實居東南而非東北。後金人置挹婁縣於遼河東。今懿路驛地。則因遼徙挹婁人居此而名。攷據家竟指爲挹婁國大誤。

高句驪在遼東之東千里。南與朝鮮濊貊接。東與沃沮北與扶餘接。地方二千里。多大山深谷。人少田業。力作不足。自資故

濊皆屬焉。確是後高句驪事。據朝鮮史。朱蒙既有國。盡力攘

斥挹婁。後又擊荇人國。

在咸鏡道太白山東南

及北沃沮。威力大振。故

沃沮東濊皆爲所屬。可證。

句驪一名貊耳。有別種。依小水。曰居。因名曰小水貊。出好弓。所謂貊弓是也。王莽初發句驪兵。曰伐匈奴。其人不欲行。強迫遣之。皆亡出塞。爲寇盜。莽將嚴尤誘句驪侯騶入塞。斬之。莽大悅。更名高句驪王爲下句驪侯。由是寇邊愈甚。建武八年。遣使朝貢。光武復其王號。二十五年春。寇右北平。漁陽。上谷。太原。遼東。太守祭彤。曰恩信招之。皆復款塞。後句驪王宮生而能視國人懷之。及長。壯勇數犯邊。元興元年。復入遼東。太守耿种擊破之。永初五年。遣人求屬元菟。元初五年。復與濊貊寇元菟。建光二

句驪王之養子。前夫餘傳所言北夷橐離國。卽指古高句驪。查朱蒙建國在東漢元帝建昭二年。距范蔚宗生於劉宋相去已三百餘年。何以絕無聞見。竟將朱蒙諸事錯列夫餘傳中。又將朱蒙後王事錯列小水貊傳中。遂致本傳正文反無一事可書。豈非史學家一大話柄耶。桑氏水經高句驪縣有遼山。小遼水所出。注縣故高句驪胡之國。武帝元封三年平右渠。朝鮮王名置元菟郡於此。按小遼水卽今渾河。源出奉省東北英額台門外八十里。東近柳河溝地。又遼史地理志云。東京路韓州本橐離國。治柳河縣。此古高句驪國之確有可徵者。若後高句驪則在朝鮮平安道西境。攷見上二國一北一南。絕不相蒙。范氏未悉源流。故牽混舛戾至此。惟傳末沃沮

源縣北則卽鞏陽河無疑因中國往高句驪道必經此故陳

壽魏志高句驪傳中附載其名按中國與朝鮮通道今由九連城渡鴨綠江入義州古時

則在西安平渡江卽賈耽所謂泊口也金人置博索路於此以鎮高麗博索乃泊口之轉音此部微末除

出好弓外別無他事可紀其下所書仍是高句驪事范氏旣

本陳志爲高句驪傳又截取小水貊以下別爲一傳竟硬派

高句驪事爲小水貊事眞所謂大謬而特謬者矣且句驪卽

高句驪省音與唐書省高句麗爲高麗一例陳志本傳句麗

二字仍指高句驪言並不以小水貊爲句麗陳志云句麗作

國依大水似指鴨綠江而居句麗別種依小水而居因名之爲小

水貊語意甚明乃本書竟取句驪二字強冠小水貊之首何

讀書粗心操觚率爾至是況本書東沃沮傳濊傳均有句驪

年春幽州刺史馮煥元菟太守姚光遼東太守蔡諷等出塞擊
斬濊貊渠帥宮遣子詐降潛攻元菟遼東發廣陽漁陽兵救之
始去夏復與遼東鮮卑攻遼隊太守蔡諷追擊於新昌戰沒宮
遂圍元菟夫餘王遣尉仇台將二萬人與州郡討破之是歲宮
死子遂成立姚光上言欲因喪伐之尙書陳忠曰生不能討死
乃擊之非義也宜遣使弔問取其後善從之明年遂成還漢生
口詣元菟降遂成死子伯固立質桓之閒復犯遼東西安平建
寧二年元菟太守耿臨討之伯固降服乞屬元菟云

小水貊依小水以居小水章懷注引魏晉春秋曰遼東郡西

安平縣北有小水南流入海按西安平爲馬訾水入海處

見前

書地理志西蓋馬注

乃今九連城東北安平河濱地小水發

馬訾水卽鴨綠江

隊縣當在其地。新昌亦遼東屬縣。疑與遼隊相近。

附高句驪國有二攷

高句驪國之在朝鮮人皆知之。其地當居遼東東南。余讀范氏後漢書。乃云在遼東之東。且云南與朝鮮接。何也。況高句驪卽高麗。何夫餘國北又有所謂橐離國。種種鶻突。殊不可解。及讀朝鮮史。東藩紀要。東國通鑑。及高麗好大王碑。并證以魏志。南北史。新舊唐等書。始恍然於高句驪本有二國。其在遼東之東。南與朝鮮接者。爲古高句驪。卽地理志元菟郡所治高句驪縣地。前漢元帝初。古高句驪王有養子朱蒙。避難南奔。渡鴨綠江。至朝鮮平安道成川郡地。別建爲國。而仍其故號。此重立之高句驪也。二國南北相距一千餘里。無可

語豈亦指小水貊耶。若王莽初發句驪兵伐匈奴。陳志句驪上明有高字。此故去之以合己說。然下文更名高句驪王爲下句驪侯二句。何又仍而不改。矛盾顯然。攷朝鮮史。此爲高句驪太祖東明王子琉璃王時事。史云。初漢王莽徵兵於高句麗。琉璃王不應。降於鮮卑而侵犯漢邊。然則姑先應徵旋亡出塞者。正用其聯合鮮卑之計乎。惟嚴尤誘斬之句驪侯騶當是統兵之員。又據東藩紀要。高句麗王宮其國稱太祖王爲東明王。後第五世遂成稱次大王爲第六世伯固稱新大王爲第七世。凡此歷歷可徵之事。能移於小水貊否耶。遼隊漢縣屬遼東郡。前書地理志注。遼山遼水所出。西南至遼隊入大遼水。今渾河至盛京奉天府西南與遼河合。知漢遼

古高句驪已無立國地。不知高句驪雖降漢爲郡縣。高句驪王固自在也。如牂柯旣置郡。仍有夜郎王。益州旣置郡。仍有滇王。可證如是則二疑析。至朝鮮舊境。漢屬樂浪。後雖省臨屯而樂浪一郡。直至漢末尙見史冊。朱蒙之至朝鮮。不聞侵犯郡境。復何甌脫容其立國。不知漢開朝鮮。不過就其平曠之處。建城置邑。其東北近山。卽蓋馬大山諸地。固仍爲土部所分據。朱蒙之國。蓋兼併土部而成。其可攷者。如建都之卒本川。卽沸流王松讓故地也。迨根據粗定。又北攘挹婁。東擊沃沮。以廣其境。惟終不敢西侵樂浪。致招大敵。且南史本傳言地多大山深谷。民依以居。食澗水。無良田。可知高句驪創立新國。實在今平安道東界萬山之中。確鑿有據。如是則三疑亦

牽混蔚宗作後漢書其時古高句驪已夷爲郡縣不應立傳
惟當於重立之高句驪傳紀其緣起可耳奈蔚宗未悉源流
開首卽誤載古高句驪之地至又將新高句驪創業事跡竄
入夫餘傳中並將東漢以來新高句驪與中國交涉應入正
傳之事跡割隸小水貊傳中諸凡舛戾業於各條攷證中詳
辨之矣然尙有應析之疑問三蓋朝鮮史東國通鑑好大王
碑皆以朱蒙爲夫餘王之養子而梁書北魏書則謂出於橐
離似乎兩歧不知古高句驪本夫餘同種亦夫餘國之分部
觀朱蒙建業後號其國曰高句驪並號其都城曰夫餘以示
不忘所從出如是則一疑析或謂武帝元封間旣以高句驪
爲縣至昭帝始元五年並移元菟郡治高句驪似朱蒙幼時

妾焉。又有北沃沮一名置溝婁。去南沃沮八百餘里。界接挹婁。挹婁人喜乘船寇鈔。北沃沮畏之。每夏輒藏巖穴。至冬船道不通。乃下居邑落。

蓋馬大山。卽朝鮮平安道與咸鏡道分界之山。其山南北行千餘里。連接不斷。再南卽濊國。傳所謂單大領也。部地在咸鏡道東南濱海一帶。故狹而長。元菟郡本立於此。其徙治高句驪西北。在昭帝五年。正朱蒙開國後。攘斥邊境。沃沮與濊爲所役屬。時傳云爲夷貊所侵。實卽高句驪也。北沃沮南距東沃沮八百餘里。以地望核之。當在圖門江南北。

濊。北與高句驪沃沮南與辰韓接。東窮大海。西至樂浪。濊及沃沮。句驪本朝鮮地也。昔武王封箕子於朝鮮。箕子教以禮義田

析夫朝鮮之高句驪立國於西漢之末不可謂不久乃歷東

漢三國兩晉以至劉宋

范蔚宗
宋時人

中國人竟無知其創建之本

末者一切謬誤遂由此起其牽扯古高句驪混合不分又何

怪哉

東沃沮在高句驪蓋馬大山東東濱大海北與挹婁夫餘南與

濊貊接其地東西夾

同狹

南北長可折方千里土肥美背山向海

宜五穀善田種有邑落長帥人性質直強勇便持矛步戰武帝

滅朝鮮呂沃沮爲元菟郡後爲夷貊所侵徙郡於高句驪西北

更呂沃沮爲縣屬樂浪東部都尉至光武罷都尉官後皆封其

渠帥爲沃沮侯其土迫小介於大國閒遂臣屬句驪句驪復置

其中大人遂爲使者呂相監領責其租稅食物發其妻女爲婢

作棉布海出班魚使來皆獻之

濊亦古國周書王會篇有穢人前兒之文注穢東夷別種穢
卽濊也其舊都據文獻通攷在朝鮮江原道江陵府東單大
領卽江陵西面一帶南北行大山領東七縣攷前書地理志
樂浪郡縣二十五至後書祇縣十八其所省之東曉不而蠶
台華麗邪頭昧前莫夫租七縣必均在領東無疑又武帝紀
注臨屯郡治東曉知濊地初立爲蒼海郡後重立爲臨屯而
今之江陵府實漢東曉縣也至東部都尉治不而縣見地理
志注今未知何地不而魏書
作不耐城

韓有三種一曰馬韓二曰辰韓三曰弁辰馬韓在西有五十四
國北與樂浪南與倭接辰韓在東十有二國其北與濊貊接弁

蠶又置八條之教其人終不相盜無門戶之閉婦人貞信飲食
呂籩豆其後四十餘世至朝鮮侯準自稱王漢初大亂燕齊趙
人往避地者數萬口而燕人衛滿擊破準而自王傳至孫右渠
元朔元年滅君南閭畔右渠率眾詣遼東內屬武帝曰其地爲
蒼海郡數年罷至元封三年滅朝鮮分置樂浪臨屯元菟真番
四郡昭帝始元五年罷臨屯真番呂并樂浪元菟元菟復徙居
句驪自單大領已東沃沮滅貊悉屬樂浪後呂境土廣遠復分
領東七縣置樂浪東部都尉自內屬以後風俗稍薄法禁亦浸
多至有六十餘條建武六年省都尉官遂棄領東地悉封其渠
帥爲侯無大君長其官有侯邑君三者自謂與句驪同種人性
愚慙少嗜欲多忌諱疾病死亡輒棄舊宅造新居知種麻養蠶

立爲韓王。準後滅絕馬韓人，復自立爲王。建武二十年，韓屬廉斯人詣樂浪貢獻。靈帝末，韓濊並盛，州縣不能制，民多流亡入韓者。馬韓西海島上有州胡國，其人短小髡頭，乘船往來，貨市韓中。

三韓以馬韓爲最大，其地當有忠清全羅二道及慶尙道之半。辰韓及弁辰惟慶州一帶而已。朝鮮史謂三韓雖曰分立，實則辰弁二國僅爲馬韓所支配，非勢均力敵也。伯濟卽百濟，其國與新羅高句驪均於西漢末先後迭興。新羅百濟旣立，三韓之地均爲所併。中國人因遠無聞，歷三國兩晉直至南北二史始載其事跡。范氏作此書時，想已聞有伯濟國名，故附及，不知伯濟固馬韓五十四國之一，而新羅亦弁辰十

辰在辰韓之南亦十有二國其南亦與倭接凡七十八國伯濟是其一國焉大萬餘戶小數千各在山谷閒地方四千餘里東西曰海爲限皆古辰國也馬韓最大其立其種爲辰王都曰支國盡王三韓之地其諸國王先皆是馬韓種人焉馬韓人知田蠶作棉布邑落雜居無城郭作土室如冢開戶其土人壯勇無男女長幼之別辰韓耆老自言秦之亡人避役適韓馬韓割東界地與之語有似秦或名之爲秦韓土地肥美宜五穀知蠶桑乘駕牛馬婚娶曰禮行者讓路國出鐵他國從市之凡貿易曰鐵爲貨俗憲歌舞兒生欲令其頭扁桺之曰石弁辰與辰韓雜居城郭衣服同言語風俗異人長大美髮衣服清潔而刑法嚴峻初朝鮮王準爲衛滿所破將數千人走入海攻馬韓破之自

三四尺。又東南船行一年至裸國。黑齒國。會稽海外有東鯤人。分二十餘國。又有夷洲及澶洲。傳言秦始皇遣方士徐福將童男女數千入海求蓬萊神仙。不得。畏誅不敢還。遂止此洲。世世相承有數萬家。時至會稽市。

倭卽日本國。地實在三韓東北。在東南者不過薩摩島一隅而已。其云在會稽東治。東與朱崖儋耳相近。殊屬臆測。會稽今江浙地。東治今福建地。朱崖儋耳今廣東瓊州地。諸處與日本方位均不相應。攷日本國志。神武天皇始定都大和之橿原。大和國屬南海道。橿原今葛上郡之柏原邨。邪馬台卽倭音之大和也。倭奴係其西南屬國。據日本志。卽筑前國怡土郡地。今尙存有委奴王金印。卑彌呼攷卽神功皇后。氣長

東夷列傳
二國之一。且新羅有國。先於伯濟四十一年。范氏舉此遺彼。疏矣。至三韓七十八國名。詳載三國志。惟新羅作斯盧。乃譯音之轉。若馬韓西海島中州胡國。卽今之濟州無疑。

倭在韓東南大海中。依山島爲居。凡百餘國。自武帝滅朝鮮。使驛通漢者三十許國。國皆稱王。大倭王居邪馬台國。其地大較在會稽東冶之東。與朱崖儋耳相近。土宜五穀。氣溫腴。冬夏生菜茹。無牛馬虎豹羊鵠。男皆黥面文身。人性嗜酒。多壽考。至百餘歲者甚衆。大人或四五妻。女人不淫不妬。少爭訟。建武二年。倭奴國奉貢朝賀。使人自稱大夫。倭之極南界也。桓靈閒國大亂。歷年無主。有女子名卑彌呼。事鬼神道。呂妖惑衆。於是共立爲王。國東度海千餘里。至拘奴國。南四千餘里。至朱儒國。人長

後漢書南蠻西南夷列傳地理攷證

仁和丁謙益甫氏學

昔高辛氏有犬戎之寇。乃募天下有能得犬戎將吳將軍頭者。金千鎰。邑萬家。又妻呂少女。時帝畜狗毛五采名槃瓠。銜人頭造闕下。羣診之。吳將軍頭也。帝大喜。議有報未知所宜。女聞之。呂爲帝令不可違信。因請行。帝不得已配之。槃瓠得女。負走入南山。止石室中。所處人不能至。經三年。生子十二。六男六女。槃瓠死。因自相夫妻。母後歸白帝。遂賜呂名山廣澤。其後滋蔓。今長沙武陵蠻是也。由唐虞至周。時爲寇患。楚武王時與羅子共敗楚師。殺其將屈瑕。莊王定伯乃服屬焉。及吳起相悼王。南并蠻越。遂有洞庭蒼梧。秦昭王使白起伐楚。略取蠻夷置黔中郡。

足姬其夫仲哀天皇薨后遂攝政時漢獻帝建安五年凡六十九年卒其子應神始得嗣位傳中國大亂歷年無主及呂妖惑衆等語皆傳聞之誤拘奴國卽北海道鰓夷島裸與黑齒今南洋島夷形狀皆然以地在熱帶故裸以日食檳榔故齒黑朱儒國據西書印度東南有安達曼島其土番身度恆不滿四尺爲世界人種中最短小者東鯤似卽琉球至日本史載孝美天皇時秦人徐福攜童男女三千人來居熊野浦熊野浦在太河南紀伊國境則夷洲澶洲卽此地矣

媒娉使知婚娶建立學校導以禮義遠人多向化建武十六年
女子徵側及妹徵貳反九真日南合浦皆應之凡略六十五城
自立爲王十八年遣馬援段志等發兵討破之殺徵側徵貳嶺
表悉平元和二年蒼梧蠻反攻郡奉詔赦之皆降散永和二年
日南象林蠻攻象林縣州郡致討多不利帝從李固議選勇略
仁惠任將帥者爲刺史太守於是拜祝良爲九真太守張喬爲
交趾刺史招以威信嶺外復平建康元年日南蠻復反交趾刺
史夏方開恩招誘皆降永壽三年居風令貪暴民蠻攻殺令太
守戰死九真都尉魏朗討破之衆轉強盛延熹三年復拜夏方
爲刺史賊聞相率詣降建寧七年鬱林太守谷永昌恩信降烏
潯人十餘萬開置七縣光和元年交趾蠻反刺史朱儁擊破之

漢興改爲武陵。光武中興。武陵蠻夷特盛。建武二十三年。大寇郡縣。將軍劉尚討之。敗沒。二十四年。下攻臨沅。馬成等擊之。不尅。明年。伏波將軍馬援擊破之。羣蠻遂平。自後。澧中蠻。淩中蠻。長沙蠻。零陵蠻等。屢畔。旋卽討平。惟太守李進。應奉。能得其情。和。呂恩。信。招誘之。秦并天下。始開嶺外。置南海。桂林。象郡。漢興。尉佗自立爲南越王。傳五世而滅。武帝分置九郡。交趾。刺史領焉。其珠崖。儋耳二部。在海洲上。東西千里。南北五百里。武帝末。其渠帥苦征調。攻殺太守孫幸。幸子豹討平之。詔以爲太守。威政大行。後因中國貪取珍賂。率數歲一反。元帝初。遂罷之。交趾雖置郡縣。而言語各異。重譯乃通。後徙罪人雜居其閒。乃稍知言語禮化。光武中興。以錫光任延守三郡。乃教耕稼。制冠履。設

故事建武二十三年南郡蠻反討平之徙其種七千餘置江夏界今河中蠻是也永元十三年巫蠻反叛遣兵討之久不能破後分道進攻蠻乃散走追降之悉徙江夏後江夏蠻數反均討破之

巴郡南郡蠻者由巴郡至南郡沿江一帶蠻族也巴郡今重慶府南郡今荊州府江夏今漢陽府河中今沔陽州地巫今巫山縣屬夔州府

板楯蠻者秦昭襄王時有巴郡閬中夷人能作弩射殺白虎乃復其人頃田不稅十妻不算夷人安之至高祖爲漢王發夷人還伐三秦既定遣還復其渠帥七姓不輸租賦世號爲板楯蠻閬中有渝水其人多居水左右性勁勇初爲漢前鋒數陷陳桓

帝嚳高辛氏。軒轅第四世孫禹之祖也。在位七十八年。犬戎事不見於史。蠻生於犬。猶突厥生於狼。野人喜言符瑞。不知鄙醜。往往如此。武陵漢郡。爲今湖南常德府地。洞庭蒼梧。今湖南廣西二省。秦黔中郡。章懷注。故城在辰州沅陵縣西。臨沅漢縣。屬武陵。在常德東。澧水名。在常德北。澧亦水名。在澧水西南。秦桂林郡。今廣西省。象郡在越南北境。珠崖儋耳均今瓊州地。交阯今越南河內省。日南今越南順化省。一名富春。象林漢縣。日南治也。九真今越南清化省。居風漢縣。屬九真。鬱林漢郡。故秦桂林治布山。今潯州府貴縣。

巴郡南郡蠻。本有五姓。無君長。以巴氏子務相爲衆所服。共立爲廩君。秦惠王并巴中。仍以巴氏爲君長。徵其賦稅。漢興依秦。

郎是也。初，楚頃襄王時，遣將莊豪從沅水伐夜郎。軍至且蘭，楸船於岸而步戰。旣滅，夜郎因留王滇地。目且蘭有楸船處，乃改其名爲牂柯。地多雨潦，俗好巫鬼，禁忌，寡畜生，又無蠶桑。故郡最貧。句町有桄榔木，可爲麪，百姓資之。公孫述時，保境爲漢光武嘉之。桓帝時，郡人尹珍從河南許慎受經書，學成還鄉教授。於是南域始有學焉。珍官至荊州刺史。

夜郎見前書。遯水乃溫水，下游溫水，遯水皆南盤江別名。水道提綱：南盤江發源曲靖，卽夜郎國也。楚伐夜郎事見前書及史記。莊豪卽莊蹻，乃譯音之轉。惟前書及史記均作楚威王時誤。攷威王卒後，歷懷王三十年，至頃襄王二十二年，秦昭襄王始遣兵攻楚，取巫黔中郡，相距已五十餘年，時代不

帝時反。太守趙溫。呂恩信降服之。靈帝光和三年。復反。發兵討之。不尅。帝從計吏程包言。詔赦之。卽皆降服。至黃巾賊起。板楯蠻又反。司馬趙瑾討平之。

閬中。漢縣。屬巴郡。今四川保寧府。三秦者。項羽分秦地爲三。章邯爲雍王。都廢邱。今西安府興平縣。司馬欣爲塞王。都櫟陽。今臨潼縣東北地。董翳爲翟王。都高奴。今延安府膚施縣西。渝水。今稱嘉陵江。

夜郎者。初有女子浣於遯水。有大竹三節。流入足閒。聞其中有聲。剖視得男。歸養之。及長。有才武。自立爲夜郎侯。呂竹爲姓。武帝元鼎六年。平南夷爲牂柯郡。夜郎侯迎降。賜王印綬。後遂殺之。夷獠求爲立後。乃封其三子爲侯。死配食其父。所謂竹王三

境至南盤江稱牂柯江。又因其水經牂柯郡而得名。并非莊氏牂船處矣。夫地名隨時更改。後人不察。第沿牂柯江以求牂船之迹。宜乎衆說紛紛。迄無實據也。又按漢地志。牂柯郡有故且蘭縣。注言沅水所出。卽莊豪牂船處。因後別立牂柯郡。且蘭縣故以此爲故。故者對新而言也。然班志不別載。且蘭豈當時以太守兼領縣事故耶。

按近日攷據家。多以平越州爲漢牂柯郡。亦因沅水所出。故不知凡論水源。必以最遠者爲據。都勻之水爲沅水最遠源。齊氏提綱明言之矣。且平越以南。別無南流入鬱之浪水。以水經證水經。其說之不確。已可概見。

滇王者。莊蹻之後也。武帝以其地爲益州郡。割牂柯越巂各數縣配之。後數年。復并昆明地。皆以屬之。此郡有池。周圍二百餘

合。然則楚伐夜郎爲頃襄王事。固毫無疑義也。至從沅水往
伐。地理尤確。桑水經。沅水出牂柯。且蘭縣。至鐔成縣爲沅水。
今查沅水最遠之源爲貴州都勻府西南馬尾谿。與浪水所
出僅隔一谷。浪水卽巴盤江。水經謂浪水出鐔成縣北界沅
水谷。地形恰符。知楚時所謂且蘭牂柯實在其地。蓋沅水至
此雖小舟不能復上。莊豪楸船於岸。督兵陸行向西南進攻。
勢所必然。惟水經注言存水又東逕且蘭縣北。又東南行。存
水今北盤江。一名可渡河。發源雲南宣威州境。東流經漢且
蘭縣北。又繞而東南。詳其形勢。漢且蘭縣必在今興義府地
無疑。若謂沅水篇所言與此兩歧。則又不然。都勻者楚伐夜
郎時楸船之且蘭也。漢時牂柯郡所治之且蘭自在興義府

明似卽昆澤。昆澤縣以水經注溫水所經核之。當爲今嵩明州。其澤卽嘉利湖。蓋溫水先逕昆澤。後逕滇國故都之味縣也。滇池今昆明湖。姑復漢縣屬越巂。今鹽源縣地。前書地理志。檉榆作葉榆。楸棟作弄棟。建憐作建伶。與連然滇池皆漢縣。屬益州郡。檉榆今雲南縣。水經注。葉榆水出其縣北界。葉榆水卽元江。上游白巖江。今其水正出雲南縣北。故知雲南爲檉榆。雲南通志謂弄棟卽姚州。連然卽安寧州。建伶卽呈貢。未識確否。

哀牢夷者。其先有婦人居於牢山。嘗捕魚水中。觸沈木。若有感懷。誕生子十。後沈木化爲龍。出水見小子背坐。因舐之。其母鳥語謂背曰九。謂坐曰隆。因名之曰九隆。及長而黠。諸兄其推爲

里水源深廣而末更淺狹有似倒流故謂之滇池河土平敞有魚鹽田漁之饒金銀畜產之富人俗豪怙居官者皆富及累世及王莽亂政益州夷反越雋姑復夷亦叛莽遣將討之不能尅呂文齊爲太守墾田畝修障塞降集羣夷甚得其和公孫述時齊固守其境封成義侯卒詔祀之建武十八年夷帥棟蠶與姑復櫟榆檉棟連然滇池建憐昆明諸種反叛十九年遣將軍劉尙討之稍定二十年連戰破之追至不韋斬棟蠶諸夷悉平元和中王追爲太守政化尤異始建學校漸遷其俗熹平五年諸夷又反叛拜李顥爲太守破平之顥卒復叛太守景毅討定之漸呂仁恩郡人豐樂

前傳莊豪此仍作躋未免歧出益州今雲南省漢地志無昆

年。僬僥夷內附。永寧元年。揮國復遣使朝貢。獻樂及幻人。能變化吐火。自支解。易牛馬頭。又善跳丸。至數千。自言爲海西人。卽大秦也。揮國西南通大秦。

哀牢。山名。在今永昌府。鹿多地。未詳。哀牢縣當在今保山東境。博南山。今永平縣。博南山在永平西。稍北山之西。卽瀾滄江也。蘭倉水。卽瀾滄江。發源甚遠。在四川西北邊外。行數千里。由雲南至越南。南境入海。西部六縣。爲不韋。僬唐。比蘇。牒榆。邪龍。雲南。據雲南通志。不韋卽保山。僬唐卽雲龍州。比蘇卽雲州。邪龍卽麗江。牒榆見前。雲南似卽今彌渡。通判地。敦忍。乙部名。無攷。揮者種人之名。今雲南廣西迤南。皆其所居。部落甚多。有東南西北四揮之稱。僬僥見列子。說文。僬僥南。

王牢山下有人生十女。兄弟皆娶爲妻。後漸滋長。九隆死。世世

相繼。乃分小王散居谿谷。未嘗交中國。建元二十三年。南侵附

塞夷。鹿多均敗沒。二十七年。王賢栗遂率種人詣越。嚮求內屬。

光武封爲君長。自是歲朝貢。永平十二年。王柳貌率種人內屬。

呂其地。置哀牢。博南二縣。割益州西部都尉所領六縣合爲永

昌郡。始通博南山。度蘭倉水。先是西部都尉鄭純爲政清潔。化

行夷貊。遷永昌太守。凡十年卒官。建初元年。哀牢山王類牢與

守令忿爭。遂反叛。攻嚮唐城。嚮字上原有越字衍文。蓋妄人所加。刪之。又攻博南。乃

發越嚮益州永昌九千人討之。明年。邪龍縣昆明夷鹵承等應

募。率種人合諸軍。擊類牢於博南。破斬之。封爲破虜旁邑侯。永

元六年。徼外敦忍乙王遣使獻方物。九年。揮國王奉貢。永初元

縣安漢起墳祭祀詔爲立祠元初元年郡徼外夷大羊等三萬戶內屬五年夷叛殺遂久令明年永昌益州及蜀郡夷皆叛破壞二十餘縣詔益州太守張喬選從事楊竦將兵進擊盡平之後順桓閒馮翊爲太守政化尤多異迹云

邛都夷在今寧遠府地地陷爲澤卽寧遠南境邛河是也越巂郡名因漢自越巂水進兵而得非郡有越巂水越巂水發源今越巂廳南東北流入大渡河若越巂郡西之河乃水經注淹水今稱安寧河南流入金沙江與越巂水無涉青蛉越巂屬縣有青蛉水今稱打冲河東南流入繩水卽鴉龍江是青蛉縣地當在鹽源西北雲南永寧土府境前人以大姚爲青蛉大姚河爲青蛉水乃唐青蛉非漢青蛉也細核水經注若水

方短人國也。人祇三尺。惟地無可攷。大秦國見西域傳。後漢時大秦方盛。其來中國。蓋由地中海至埃及。時屬大秦登陸行直由紅海過印度洋至緬甸南境。再陸行北入。擲人地。所謂西南通大秦者。此其道也。

邛都夷者。武帝所開。爲邛都縣。未幾地陷爲澤。因名邛池。南人以爲邛河。後復叛。元鼎六年。漢兵自越巂水伐之。呂爲越巂郡。其地平原。有稻田。青蛉縣。禺同山。有碧雞。金馬。光景時見。豪帥放縱難制。更始二年。邛人長貴殺太守。自立爲王。光武卽封爲邛穀王。十九年。將軍劉尚平益州夷。路由越巂。長貴懼。謀要擊尚。尚知之。掩長貴誅之。永平元年。姑復夷叛。討破之。後太守張翕政化清平。得夷人和。在郡十七年卒。夷人哀慕。送喪至翕本

葑都夷在今大渡河北境。沈黎郡在雅州西南境。旄牛，漢縣屬蜀郡。華陽國志：旄牛地在邛徠山表。邛徠山，今飛越嶺。縣址當在今泰寧鎮地。青衣，水名，發源於丹棱縣西，東南流至嘉定府樂山縣入江。蠶陵，漢縣，屬蜀郡，未詳所在。零關，地理志作靈關道，在蒙山南，今名山縣境。蜀郡屬國領蒙山。今名山徙。今天嚴道。今清溪。旄牛四縣三襄夷無攷。漢嘉郡地理志故青衣，今嘉定樂山縣。

冉駹夷亦武帝開元鼎六年，呂爲汶山郡。地節三年，省入巴蜀爲北部都尉。土氣多寒，夏不釋冰，故夷人冬則入蜀爲傭，夏返其邑。衆皆依山居止，累石爲室，高者至十餘丈，爲邛籠。土惟生麥而宜畜牧，有旄牛重千斤，靈羊可療毒，及麋麝諸獸，有鹹土。

篇自知姑復漢縣屬越巂水經注淹水至姑復北入繩水其地當在鹽源東南安漢巴郡屬縣遂久越巂屬縣以水經注核之當在會理州西南

荊都夷者武帝開爲荊都縣元鼎六年呂爲沈黎郡至天漢四年并蜀爲西部置兩都尉一居旄牛主外夷一居青衣主漢人永平中刺史朱輔在州數歲威懷遠夷自汶以西百餘國均奉貢稱臣安帝永初元年蜀郡三襄夷反攻蠶陵城二年青衣夷三十一萬內屬延光二年旄牛夷攻零關刺史張喬等擊破之於是置蜀郡屬國都尉領四縣如太守延熹三年三襄夷寇蠶陵四年犍爲屬國夷寇郡界刺史山昱擊破之靈帝時呂蜀郡屬國爲漢嘉郡

元鳳初復叛遣馬適建韓增等破之建武初氏人悉附隴蜀及隗蠡滅乃降漢後蠡族隗茂反氏大酋齊鍾留與郡兵破斬之後時爲寇盜郡縣討平之

白馬氏在今甘肅階州北境廣漢今潼川府武都今階州成縣仇池在其西北水道提綱西漢水西南流經西和縣北折東南過仇池山麓又水經注言西漢水屈逕瞿堆南瞿堆絕壁峭峙形若覆壺高二十餘里羊腸盤道三十六迴上有平田百頃因以百頃爲號山上並豐水泉清流湧沸潤氣上浮卽仇池山也華陽國志亦言仇池地方百頃據此知仇池乃山名非池名卽所謂百頃者亦指山上之田非池水方百頃也

煮爲鹽。靈帝時復分蜀郡北部爲汶山郡云。

汶山卽岷山。爲岷江發源處。郡城今茂州地。邛籠亦名礪。隋書附國傳其國無城柵。近川谷傍山險。壘石爲礪。高者十餘丈。下亦五六丈。每級以木隔之。基方三四步。上方二三步。狀如浮圖。於下置級。開小門從內上通。又名獼舍。新唐書驃國傳邛黎二州西有三王蠻部落。疊巒而居。名爲獼舍。此皆今人所稱礪者是也。自川西各土司直至西藏阿里所居皆礪房。蓋仍數千年來舊制云。

白馬氏者。元鼎六年開分廣漢西部。合以爲武都。土地險阻。有麻田。出名馬牛漆蜜。氏人勇敢抵冒。貪貨死利。居河池。一名仇池。方百頃。四面斗絕。數爲邊寇。元封三年氏人反叛。遣兵破之。

後漢書西羌傳地理攷證

仁和丁謙益甫氏學

西羌之本出自三苗姜姓之別也其國近南岳舜流四凶徙之三危河關之西南羌地是也濱乎賜支至於河首縣地千里賜支者禹貢所謂析支者也南接蜀漢徼外蠻夷西北鄯善車師諸國所居無常依隨水草地少五穀呂畜牧爲業其俗氏族無定或以父名母姓爲種號十二世後相與婚姻父沒妻後母兄亡納釐同嫪故國無鰥寡種類繁熾不立君臣無相長一強則分種爲酋豪弱則爲人附落更相鈔暴呂力爲雄殺人償死無它禁令其兵長在山谷短於平地不能持久而果於觸突呂戰死爲吉利病終爲不祥堪耐寒苦同於禽獸雖婦人產子不避

[illegible]

蕭山郁九齡同校

燒當復豪健其子孫更以燒當爲種號滇良者燒當之元孫也
更始赤眉之際羗乃放縱寇金城隴西隗囂不能討慰納其衆
與漢相拒建武九年置護羗校尉自燒當至滇良世居河北大
允谷種小人貧而先零卑湍並富強數侵犯之滇良憤怒集諸
附落掩擊先零卑湍大破之奪居其地大榆中由是始強滇良
子滇吾立常雄諸羗間寇隴西諸將擊之多敗滇吾子東吾立
謹愿自守諸弟迷吾等數爲寇盜歷任校尉不能制章和元年
校尉張紆戰敗之迷吾降紆詐殺之其子迷唐走出塞永元元
年東吾子東號立五年貫友爲校尉遣兵攻迷唐敗之乃夾逢
留大河築城塢作大航造河橋欲渡兵進攻迷唐乃遠依賜支
河曲八年貫友卒迷唐因寇隴西乘勝深入塞內羗與相應破

風雪性堅剛勇猛得西方金行之氣焉

羗無弋爰劍者秦厲公時被執亡歸秦人追之藏巖穴中秦人焚之有景如虎爲其蔽得死亡入三河閒三河者黃河賜支河湟河也諸羗曰是推爰劍爲豪河湟閒少五穀多禽獸曰射獵爲事爰劍教之田畜遂見敬信依之者衆羗人謂奴爲無弋曰爰劍嘗爲秦奴隸因曰名之其後世世爲豪至爰劍曾孫忍時其季父邛畏秦威將其種人出賜支河曲西數千里與衆羗絕遠不復交通後遂各自爲種或爲旄牛種越雋羗是也或爲白馬種廣漢羗是也或爲參狼種武都羗是也忍及弟舞獨留湟中多娶妻婦忍生九子爲九種舞生十七子爲十七種羗之興盛由此起矣及忍子研立至豪健羗中號爲研種十三世至

百

東號子麻奴立。初隨父降。居安定。永初元年。發金城隴西羌征西域。迫促發遣。羌懼不還。到酒泉。多叛散。諸郡發兵邀遮。或覆其廬落。於是大豪東岸等同時奔潰。麻奴兄弟因與種人大爲寇掠。斷隴道。郡縣不能制。冬。遣將軍鄧騭校尉任尙等五萬人討之。俱爲所敗。衆遂大盛。東犯趙魏。南入益州。遂鈔三輔。攻沒破羌。臨洮。寇褒中。漢中太守鄭勤戰死。於是徙金城居襄武。並移隴西於襄武。安定於美稷。北地於池陽。上郡則徙衙。百姓隨道死亡。漢陽人杜綺聚衆應羌。刺殺之。其後官軍與羌戰。少勝多敗。復遣任尙爲中郎將。將兵屯三輔。懷令虞詡說尙曰。兵法弱不攻強。走不逐飛。今虜馬騎日數百里。呂步追之。勢不相及。

郡兵殺大夏長遣將軍劉尙等三萬人討之迷唐奔臨洮南尙等追破之後迷唐降未幾復叛然遂弱種衆不滿千人遠踰賜支河首依發羗居時西海及大小榆谷左右無復羗寇踰糜相費鳳上言西戎爲害前古所有建武已來其犯法者常從燒當種起所已然者以大小榆谷土地肥美又近塞內諸種易以爲非南有鍾存已廣其衆北阻大河因已爲固又有西海魚鹽之利故能强大招誘羗胡今者衰困餘衆不過數百逃亡棲竄宜及此時復建西海郡縣規固二榆廣設屯田隔塞羗胡交關之路已絕窺伺又殖穀富邊省委輸之役國家可以無西方之憂於是拜鳳金城西部都尉屯龍耆乃開歸義建威屯田二十七部東西邯屯田五部增留逢二部迷唐死有一子來降戶不滿

不利復徙安定居扶風北地居馮翊遣執金吾張喬將兵萬五千屯三輔漢安元年呂趙冲爲護羌校尉冲招懷叛羌多詣冲降惟燒當種據參戀北界冲追至建威鷁陰河渡未竟所將降羌復叛冲追遇伏戰歿然冲雖死前後多所斬獲羌由是衰耗永嘉元年校尉張貢左馮翊梁並稍呂恩信招誘羌遂降自永元羌叛至是十餘年費用八十餘億諸將多私自潤入呂珍貨賂左右上下放縱不恤軍事士卒不得其死者白骨相望迄於漢末羌叛不息自爰劍後子孫支分凡百五十種其九種在賜支河西及蜀漢徼北前史不載口數惟參狼在武都勝兵數千其五十二種衰少不能自立自餘八十九種惟鍾存最强盛兵十餘萬

莫如罷諸郡兵令各出鈔數千二十人各市一馬曰萬騎之衆追尾掩截其道自窮尚喜上言用其計由是所至破平嗣募羗刺殺諸羗酋諸羗瓦解三輔益州無復寇儼自叛十餘年閒軍旅轉輸府帑空竭延及內郡邊民死者不可勝數并涼二州遂至虛耗嗣後羗屢叛皆討平之延光三年隴西郡始還狄道永建四年用僕射虞詡言復安定北地上郡遣使督促各歸舊縣繕城置驛激河濬渠爲屯田省內郡費歲一億計遂令安定北地上郡及隴西金城常儲粟令周數年永和元年武都白馬羗反明年燒當種那離等寇金城塞均爲馬賢所破及來機劉秉爲并涼二州刺史到州日多所擾發羗遂反叛攻金城大寇三輔將軍馬賢戰沒於是東西羗大合寇隴西關中諸將擊之多

允谷所出之水在巴燕戎格廳西北大小榆谷在黃河南循
化廳境賜支河曲在大通衛南爲大通河西來折向南流處
故曰河曲隴西漢郡見前大夏隴西屬縣唐地志屬河州今
河州西南大夏河濱有大夏堡是其地也賜支河首卽大通
河發源處在嘉峪關西南大雪山中西海卽青海鍾存羌種
名當居河州境龍耆章懷注卽龍支今鄯州縣攷唐地志上
元三年鄯州沒吐番以龍支鄯城隸河州古鄯州在今西寧
府東南龍支當更在東南歸義建威二堡名均當在西寧南
黃河北東邯西邯二水名章懷注在廓州廓州今西寧南川
土司地邯水卽今克羣河逢留河當卽大夏河蓋築城塢於
黃河南大夏河東又作大航造河橋以通南北也安定治高

西羌種類極多。前書西域傳陽關西南有婁羌。而戎盧國南渠勒國西難兜國南均與婁羌相接。知婁羌部落自敦煌西南直蔓延至西藏阿里諸境。本傳所載不過無弋爰劍之一支耳。蓋羌俗無部分。無文字。無一定之居地。又時易其種族之稱號。以故歷年稍久。遂不能識其支裔之所自。今陝甘川滇徼外諸部。概稱番子。不知卽西羌之後否。河關漢縣屬金城郡。桑水經河水又東過河關縣北。洮水從東南來注之。觀此漢河關縣當在今巴燕戎格廳南積石關地。賜支河卽水經注浩亶河。今名大通河。湟河在大通河南。再南卽黃河。三河皆在西寧府境。越嚮廣漢武都均見前。大允谷在西寧縣境。水經注河水入塞。又東逕允川。歷大小榆谷北。允川卽大

其婚姻及票騎將軍霍去病取西河地開湟中於是月氏來降
與漢雜居勝兵九千餘分在湟中及令居又數百戶在張掖號
義從胡中平元年與北宮伯玉反殺校尉冷徵等遂寇亂隴右
焉

月氏胡卽前書大月氏傳所云小衆不能去者保南山羗號

小月氏是也隋書康國傳言大月氏本居祁連北昭武城故

址在張掖西北


見梁謹傳注

今高臺縣地正在張掖酒泉閒張掖

今甘州酒泉今肅州湟中今西寧府境古湟中城據水經注
當在丹噶爾廳西北和碩特南右後旗東境令居金城屬縣
在蘭州西北今莊浪縣地

平今平涼府隆德縣地。後徙臨涇。今涇州崇信縣。金城今蘭州。隴西治狄道。今狄道州。漢陽治冀。今伏羌縣。酒泉今肅州。隴道者秦州以西交通之道。破羌漢縣。屬金城。地未詳。臨洮縣。屬漢陽。今洮州。褒中縣。屬漢中。今褒城。襄武漢陽屬縣。今鞏昌府。美稷西河屬縣。在河套鄂爾多斯左中旗境。池陽屬左馮翊。今同州府境。甘涼今甘肅地。并州今山西北境地。右扶風今乾州以西地。左馮翊今同州以北地。參戀漢縣。屬安定。後屬北地。地未詳。河陽路屬漢陽。今靜寧州。鷁陰縣名。屬安定。後屬北地。地未詳。

湟中月氏胡大月氏之別也。舊在張掖酒泉地。月氏王爲匈奴冒頓所破。餘衆分散西踰嶺。其羸弱者南入山阻。依羌居止。與



齊南陽西北今城縣縣城

齊王長卿縣城西北味南村南古縣城東與今城金城縣城

今甘肅西泉今縣城縣中今西寧州蒙古城中城水野寺

城縣縣西北今高臺縣城五五縣城西泉關縣城

小月天景也湖縣縣城大月天本縣城縣北城為城城

月天縣城縣城大月天縣城云小泉不詣去青州南山縣城

縣城縣城縣城縣城縣城縣城縣城縣城縣城縣城縣城

縣城縣城縣城縣城縣城縣城縣城縣城縣城縣城縣城

縣城縣城縣城縣城縣城縣城縣城縣城縣城縣城縣城

縣城縣城縣城縣城縣城縣城縣城縣城縣城縣城縣城

